

春秋大事表

第八冊

函

春秋列國疆域表敘

昔武王大封列侯各有分地至春秋時猶存百二十四國稅安禮  
爲作春秋指掌圖以明之余謂是不可圖也若從其始封則與春  
秋時之疆境不合若從春秋當日則二百四十年中強兼弱削月  
異而歲不同當以何年爲準而圖之卽以周與晉楚論晉之始封  
太原百里之地耳其後獻公滅耿滅霍滅魏拓地漸廣而最得便  
利者莫如伐虢之役自澠池迄靈寶以東崤函四百餘里盡虢略  
之地晉之得以西向制秦秦人抑首而不敢出者以先得虢扼其  
咽喉也至文公啟南陽奄有覃懷後經營中原迫逐戎狄凡衛河  
以北殷墟之境之沒于狄及邢之滅于衛滑之滅于秦者晉盡取  
之于是東及朝歌北盡邯鄲自河南之彰德衛輝至直隸之大名

廣平順德悉爲晉有而謂晉猶昔日之晉乎楚封丹陽蓋在今歸  
州東南七里至文王滅鄧縣申息封畛于汝此時已涉河南南汝  
之境以後蠶食諸夏鄧及唐葉皆南陽府地也江黃道柏蓼胡沈  
皆汝寧府地也最後城州來居巢鍾離則更侵入鳳陽廬壽之境  
而謂楚猶昔日之楚乎至周之東都鄭氏詩譜云封域在禹貢豫  
州太華外方之閒北得河陽漸冀州之南畿內方六百里逮後南  
陽入于晉祭地入于鄭伊川入于陸渾日股月削故襄王以前猶  
能興師伐鄭伐翼襄王以後如病痿歷不能起王畿已非復東遷  
之舊況在小國乎夫弱小之日就微滅與大國之漸肆吞併非一  
朝一夕之故也故曰是不可圖也夫不原其始封則不明先王星  
羅碁置犬牙相錯之至意而不極吞併所至則又無以識春秋當

日之大勢故自王畿以下凡晉楚諸大國先區明其本境以漸及其拓地之疆域終春秋之世而止而小國亦還其始封末云後入某國爲某邑庶前後之疆索瞭如而廢興之故亦從可概睹矣輯春秋列國疆域表第四



春秋列國疆域表卷四

錫山 顧棟高復初輯

同邑受業華西植燕麓 參

周

平王東遷洛

北得河陽漸

又汝州伊陽

申呂為南門

虞虢為北戶

邑為王城畿

冀州之南

縣為周郊垂

丙方六百里

正義曰周襄王賜晉文公陽樊温原之地

晉于是始啟南陽杜左傳文十七年甘款云在晉山南河北是取戎于郊垂戎即伊

之地

鄭詩譜云封域在禹貢豫州太華外方之內故知北得河陽也

今為河南懷慶一府之地

正義曰太華即華山

外方即嵩高地里志

華山在華陰縣南外

周疆域

中國在南陽府治南

虞國在今山西解州

陽縣呂國在府治西

之平陸縣虢國在今

三十里國語史伯曰

富成周者南有申呂

南虢舊封為今陝西

自楚滅申營方城因

鳳翔府寶雞縣東六

裕州方城山為固起

十里東遷後棄為秦

南陽葉縣至唐縣連

之雍地為西虢虢叔

按數百里封豳于汝

之孫從平王東遷

更封以弘農陝縣東

直至汝水之南與汝

州伊陽縣接界與王

南虢城則今地也是

城逼近自是遂觀兵

虢亦從周畿內析封

周疆矣

矣

陝西求友齋

方在嵩高是從河南  
河南府嵩縣直接陝  
西西安府華陰縣皆  
周之封域虢國桃林  
之地皆其境內矣又  
莊二十一年王與虢  
公酒泉杜註酒泉周  
邑在今陝西同州府  
澄城縣直跨大河以  
西漢書地理志云初  
洛邑與宗周通封畿  
東西長南北短短長  
相覆爲千里二封之  
地本相通是時周東  
遷未遠西畿之地猶  
未爲秦晉所侵奪也  
自晉滅虢而畿內始  
迫狹東西都隔絕矣

隱十一年桓  
王與鄭蘇忿

桓七年盟向  
背鄭鄭伐盟

莊二十一年  
惠王與鄭以

僖二十二年  
秦晉遷陸渾

僖二十五年  
襄王與晉陽

生之田温原向王遷盟向虎牢以東與之戎于伊川樊温原攢茅

締樊隰邲攢之民于邲虢以酒泉之田晉於是

茅向盟州陘始啟南陽

隳懷俱見上

按此十二邑俱在今懷慶府温在今温縣西南三十里原今濟源縣西北有原邲攢茅之田賜晉州屬

源縣西北有原邲攢茅之田賜晉州屬

二十五五年襄王更以晉為卻稱樂豹邑陘

二邑賜晉絺在今河屬晉宣六年赤狄伐

內縣西三十二里樊屬晉宣六年赤狄伐

一名陽樊在今濟源管圍懷即此使非歸

縣東南三十里後賜之周何緣更以賜晉晉隰邲在今河內縣乎

杜註邲王城也今河南洛陽縣西有邲


此十二邑鄭不能有而復歸之周也傳獨言盟向耳觀僖二十

縣今河南開封府汜水縣西有虎牢城

州府有甘泉出隳谷中造酒尤美名酒泉

伊川即今河南府嵩縣

俱見上



PDS

縣西南三十里有古  
河陽城後歸晉州今  
懷慶府東南五十里  
後屬晉陘即太行陘  
在今懷慶府西北三  
十里陘在今修武縣  
北懷在今武陟縣西  
南十一里後屬晉詳  
都邑表

昭十七年晉

荀吳帥師滅

陸渾之戎

三塗山名在今河南  
府嵩縣南伊水逕其

東

自是河南嵩縣之地  
屬于晉王畿蓋迫狹  
矣

秦東遷後王畿疆域尙有今河南懷慶二府之地兼得汝州跨  
河南北有虢國桃林之隘以呼吸西京有申呂南陽之地以控  
扼南服又名山大澤不以封虎牢峭函俱在王略襟山帶河晉  
鄭夾輔光武創業之規模不是過也平桓莊惠相繼百年號令  
不行諸侯攘竊王不能張皇六師更復披析其地以爲賞功酒  
泉賜虢虎牢賜鄭至允姓之戎入居伊川異類逼處莫可誰何  
晉滅虢而鎬京之消息中斷楚滅申而南國之窺伺方張至溫  
原蘇忿生之田與鄭復以賜晉則舉大河以北委而棄之由是  
懷慶所屬七縣原武屬鄭濟源修武孟縣溫縣屬晉王所有者  
河內武陟二縣及河南府之洛陽偃師鞏縣嵩登封新安宜陽  
孟津八縣汝州之伊陽魯山許州府之臨潁縣與鄭接壤而已

周疆域論

論曰嘗讀詩至召曼之卒章曰昔先王受命有如召公曰關國  
百里今也日蹙國百里喟然歎曰此其故春秋盡之矣周自平  
王東遷尙有太華外方之閒方六百里之地其時西有虢据桃  
林之險通西京之道南有申呂扼天下之膺屏東南之固而南  
陽肩背澤潞富甲天下輾轅伊闕披山帶河地方雖小亦足王  
也故桓王之世猶能興師以號召諸侯虎牢屬鄭仍復收之至  
惠王始與鄭以武公之略張弛自如皇綱未盡絕于天下也而  
孱弱不振日廢月削楚滅申而東南之蔽失晉滅虢而西歸之  
道斷至襄王以温原畀晉而東都之事去矣然論者謂襄王之  
失計此又非也在桓王時已嘗以十二邑易鄆邠之田于鄭鄭

不能有而復歸諸周周復不能有而強以與晉如豪奴悍僕主人微弱不能制而擇巨室之能者使治之至襄王時已視爲棄地固不甚愛惜也晉得之而日以強周日以削至祭入于鄭晉遷陸渾之戎于伊川楚伐陸渾而遂觀兵周疆矣然則詩人所歎息痛恨于日蹙國百里者其此之謂歟謹志其疆域而歷敘其廢削之所由使後之論周事者有考焉

魯

伯禽初封曲阜後益封奄 隱二年入極 隱十年敗宋 辛巳取防

阜

高江村云後漢志謂杜甘附庸小國今兗魯國卽奄國而杜預州府魚臺縣西有極

師于營辛未

漢書地理志云成王以少暉之墟曲阜封

不主是說其意以奄亭案公羊以爲疾始另爲一國與四國流滅殺梁以爲滅同姓

取郟

周公子伯禽爲魯侯今爲山東兗州府曲阜

言或併散在魯皆令則是入爲滅矣而在今兗州城武縣東

東防也

阜縣  
應劭曰曲阜在魯城  
中委曲長七八里

序云成王東伐淮夷  
遂踐奄因以封周公  
夫周公已封于武王  
時成王乃以奄地益  
之其非一地明矣孔  
穎達亦云奄東方之  
國近魯之地或言奄  
城在曲阜縣東二里  
秦雖不能有而滑則  
已滅地歸于晉安得  
謂入非滅乎

僖十七年滅  
僖三十三年  
文十年伐邾  
宣四年伐莒  
宣九年取根

項  
伐邾取訾婁  
取須句

取向  
牟

項國名今河南陳州  
府項城縣東北六十  
里有故項城  
冀彙管婁邾邑當在  
今兗州府東平州東

南有須句故城案須  
句本風姓國成風之  
母家信二十一年邾  
人滅須句成風爲之  
請于公興師伐邾取  
之而反其君後復滅  
于邾邾文公子叛邾  
案字志莒州南七十  
里南向城案向本小  
州府沂水縣東南昭  
八年蒐于紅自根牟  
至于商衛即所取根  
牟地

牟地



宣十年伐邾 成六年取鄆 襄十三年取襄 二十一年昭元年伐莒

取釋

杜註附庸國

邾

邾庶其以漆取鄆

杜註邾邑在今鄆縣東南

杜註任城亢父縣有邾亭今亢父城在濟

閭丘來奔

業此為東鄆莒魯所爭者今沂州府沂水

葉纂曰繹是邾之國都文十三年邾遷于

邾南五十里鄆城在州東南

杜註邾二邑在高平南平陽縣東北有漆

二年季孫行父城請及邾此時邾蓋屬魯

繹距今僅十數年未必更遷取繹是滅邾

鄉西北有顯閭亭俱在今兗州府鄆縣

後入莒為莒邑成九年莒子重圍莒遂入

矣孔疏謂別有繹邑亦因繹山為名

夫絕大邾之祀以與邾國叛臣實欲私之為已邑也

邾卽此邾也至此年季孫宿伐莒取邾自

是邾常為魯有晉趙女子請于楚曰莒魯爭鄆為日久矣蓋謂

宣十年伐邾 成六年取鄆 襄十三年取襄 二十一年昭元年伐莒

此也

昭四年取鄆 昭五年莒牟 昭十年伐莒 昭三十一年 哀二年伐邾

案鄆本小國在今兗州府嶧縣東八十里

夷以牟婁及

取邾

邾黑肱以濫

取濼東田及

襄六年見滅于莒為莒邑至是魯乘莒亂

防茲來奔

杜註莒邑在今沂州府沂水縣界

來奔

沂西田

而取之

案此莒三邑也牟婁本杞邑隱三年莒人伐杞取之地屬莒在今青州府諸城縣東

杜註東海昌慮縣在今兗州府滕縣東南

案此為邾之沂俗呼小沂水非沂水縣之沂也出兗州府費縣濼水在今滕縣南十五里詳見山川

北與安丘縣接壤境在今安丘縣西南六十里茲在今諸城縣西

西

哀三年城啟 西平陽

陽

本邾邑不知何年屬魯

杜註邾邾開陽縣今沂州府治北十五里 案哀十七年越使后庸來言邾田封于陽

有開陽故城本郟國地

上二月盟于平陽平陽在兗州府鄒縣西南本郟邑爲魯所取

季氏本曰昭十八年

郟人襲郟郟子從帶

于郟遂爲郟地近季

氏費邑魯旣取郟東

沂西田則郟不得不

以啟陽讓魯矣

案魯在春秋實兼有九國之地極項郟郟根牟魯所取也向須

句鄆郟則邾莒滅之而魯從而冇之者也其疆域全有兗州府

之曲阜寧陽泗水金鄉魚臺汶上濟寧州嘉祥八州縣之地後

兼涉滕縣鄒縣嶧縣與邾接壤又泰安府之泰安縣與齊接壤

兼有新泰縣萊蕪縣沂州府治又費縣沂水縣曹州府之鄆城

縣爲魯西鄆鉅野縣爲獲麟處城父縣單縣爲高魚邑涉范縣

界又兼涉青州府之安邱諸城二縣與莒接壤又河南陳州府

項城縣爲魯所滅項國地又涉江南之海州跨三省共二十六州縣

魯疆域論

論曰余讀春秋至隱五年公矢魚于棠傳曰非禮也且言遠地也哀十四年西狩獲麟歐陽子曰西狩言遠也嗚呼魯之東西境盡之矣余嘗往來京師親至兗州魚臺縣訪隱公觀魚處詢之士人云距曲阜不二百里又北至汶上爲齊魯接界俱計日可到其地平衍無高山大川爲之限隔無魚鹽之利爲之饒沃故終春秋之世常畏齊而附晉又其西南則宋鄭衛及邾莒杞鄆諸國地犬牙相錯時吞滅弱小以自附益祲易之鄭防取之宋須句取之邾向鄆取之莒而邾則空其國都致邾衆退保嶧

山與莒爭鄆無寧日逮晉文分曹地則有東昌府濮州西南而越既滅吳與魯泗東方百里地界稍稍擴矣然終不能抗衡齊晉豈特其君臣之孱弱亦其地當走集以守則不足以固以攻則不足以取勝也徒以周公之後世爲望國爲晉楚所重故楚靈爲章華之臺而遠啟疆特致魯侯以落之好以大屈至戰國時猶存于諸姬最爲後亡豈非周公之明德遠哉

齊

太公始封營後益封薄姑莊元年遷紀莊二年紀季莊四年紀侯

邱

成王廣大邦國之境  
時薄姑與四國作亂

邢鄆鄆

以鄆入于齊大去其國

漢書地理志齊郡臨淄縣師尚父所封

成王滅之以益封大

案此紀三邑也邢一

在今青州府臨淄縣紀在今青州府之壽光縣

今爲山東青州府之臨淄縣以邱臨淄水

徙都于此

作駢後爲齊大夫伯

案國語齊桓公初立光縣

故謂之臨淄

縣亦曰姑莸莊八年齊侯游于姑莸卽此

州府臨朐縣東南部而鄆卽在臨淄之境在今萊州府昌邑縣則知桓公初年齊之西北三十里部在今東向地甚狹也青州府安邱縣西南六十里詳見都邑

莊八年降郟

莊十年滅譚

莊十三年滅遂

莊三十年降鄆

閔二年遷陽

杜註郟國名東平剛父縣西南有郟鄉

杜註譚國在濟南平陵縣西南今濟南府

遂

鄆

杜註國名今沂州府沂水縣南有陽都城

高江邨曰武王之母弟邨叔武封于邨今兗州府寶陽縣東北

有譚城

杜註遂國在濟北蛇邱縣東北今兗州府

無鹽縣東北有鄆城

三十里有埋城壩卽漢剛縣故地而郟在其西南蓋近宣陽矣魯成邑在宣陽東北九十里蓋亦以近郟而得名

有遂鄉

有鄆城集

襄六年滅萊

襄六年滅棠

襄二十四年介不知何年

牟不知何年

牟不知何年

杜註萊國東萊黃縣今登州府黃縣東南二十里有萊子城

杜註萊邑也今萊州府卽墨縣南八十里有甘棠社襄十八年齊侯將走郵棠卽此

杜註莒邑

萊周初莒莒興期始封于此春秋時不知在城陽野阪縣後入于齊也通與登州治

萊僖二十九年介持萊桓十五年邾人牟盧來朝杜註東夷國人莒人來朝半國自

何年徙都許州府當此爲莒別邑漢置南七十里介亭

計斤縣卽介根也在今萊州府高密縣東南四十里

登州府治蓬萊縣

東至于海

西至于河

南至于穆陵

北至于無棣

案齊桓公時東至于紀鄒未至于海管仲特夸言耳至襄公滅萊案則盡登萊二府之境東至于海矣

案桓公塞入流以自廣蓋九河故道在今德景之閒今猶曰古高津是齊之西界當至山東德州平原而止

案穆陵關在今青州府臨朐縣東兩百里亦曰大峴關劉裕征慕容超過大峴關喜形于色卽此也

案今直隸天津府之慶雲縣山東武定府之海豐縣皆春秋時無棣之地元時所分也

案齊在春秋兼併十國之地紀鄒譚遂鄆陽萊七國之滅見於

經如莒之故封介根及牟介二國俱不詳其滅之何年其疆域

全有青州濟南武定登州萊州五府之地獨青州府之安邱諸城二縣闌入莒地後入魯又東昌府之聊城爲聊攝堂邑縣爲棠邑在平縣爲重邱泰安府治與魯接境又兼有東阿肥城平陰及東平州斗入兗州府之陽穀一縣沂州府之蒙陰一縣與魯衛錯壤又曹州府之范縣爲齊廩邱及顧地則齊晉宋魯衛五國交錯處也直隸天津府之慶雲縣爲齊無棣地

### 齊疆域論

論曰齊於春秋號爲大國然以山東全省計之兗州強半屬魯泰安與魯參半東昌晉衛錯處他如青州濟南魯地犬牙其間齊所全有者武定登萊三府及曹沂所屬數縣而已其形勢要害不如晉幅員廣遠不如吳楚徒以東至海饒魚鹽之利西至



河憑襟帶之固南至穆陵有大峴之險北至無棣收莫廣之地  
用管子之計官山府海遂成富強爲五伯首豈惟地利抑亦人  
謀之善也然管子以圖伯者陳氏亦用以竊國山木如市弗加  
于山魚鹽蜃蛤弗加于海以國爲餌卒成篡奪器一也而操之  
者則異豈非得其人則用以興失其人則遂以亡者歟

晉

叔虞始封太 春秋前晉文 閔元年滅耿 閔元年滅霍 閔元年滅魏

原 侯滅韓

今爲山西太原府之太原縣

今爲陝西同州府之韓城縣後爲桓叔子韓萬食邑左傳所謂韓原是也

今山西平陽府河津縣東南十二里有古耿城

今平陽府霍州百十里爲春秋時魏國晉且居封邑爲霍伯

今解州芮城縣北五里爲春秋時魏國晉滅之以賜畢萬爲魏氏其地逼河與秦以河爲界詩譜云南枕河曲北涉汾水

閔二年伐東 僖五年滅虢 僖五年滅虞 蒲爲狄地不 邲爲狄地不

山臯落氏

今絳州垣曲縣西北六十里有臯落鎮為東山臯落氏國

在今河南府陝州東

今解州平陸縣東北四十里有古虞城在大河之北

知何年屬於知何年屬於

晉

晉

今為山西臨州州治北四十里有蒲陽故城入晉為蒲邑即重耳所居之蒲也

今為山西吉州州治東北二十里有北屈廢縣為晉北屈邑即夷吾所居之屈也案傳二五言于公曰狄之廣莫于晉為都則知蒲屈向日皆狄地矣

荀不知何年賈不知何年楊不知何年焦不知何年僖二十五年

滅于晉

滅于晉

滅于晉

滅于晉

周襄王賜晉

今蒲州府臨晉縣東北十五里有郇城舊為郇國文王子所封

今絳州界有賈鄉為春秋賈國地桓九年與荀侯伐曲沃又晉為春秋時楊侯國襄

今平陽府洪洞縣東南十八里有古楊城里有焦城為晉河外

今河南府陝州南二里有焦城為晉河外

陽樊温原攢

詩所謂郇伯勞之者也亦曰荀桓九年荀侯賈伯伐曲沃以後

獻公娶于賈不知何年滅之後以賜狐偃

謂處號焦滑霍楊韓

五城之二邑僖三十九年傳所謂許君焦瑕朝濟而夕設版焉是

茅之田晉于

子狐射姑為邑號賈魏皆姬姓而晉滅之在大河之南蓋即所

謂處號焦滑霍楊韓

朝濟而夕設版焉是

在大河之南蓋即所

是始啟南陽

無所見汲冢古文云  
晉武公滅荀以賜大  
夫原氏黜是為荀叔

僖二十五年 僖二十八年 僖三十三年 文二年 伐秦 文十年 伐秦

衛滅邢後入 伐衛取五鹿 秦滅滑後入 取汪及彭衙 取少梁

于晉 于晉 于晉

今為直隸順德府之  
邢臺縣後以賜申公  
巫臣為邢大夫  
秦五鹿為衛邑晉文  
今河南府偃師縣南  
陽接界有彭衙故城  
縣東北六十里與郟  
縣南二十里有少梁  
城本梁國地僖十九  
年秦穆公滅之為少  
梁邑後入于晉

在今直隸大名府治  
元城縣東  
取之而仍屬衛至哀  
二十里有濮氏城為  
滑國地為秦所滅尋  
為晉成十七年鄭子  
駟侵晉盧滑即此

後以賜羊舌赤為楊  
氏邑  
滅之魯國也宣二年  
秦圍焦即此  
今為河南懷慶府濟  
源修武孟縣溫縣四  
縣之地晉之境于是  
逾河而南矣

宣十五年 滅 宣十六年 滅 成三年 伐 昭十二年 滅 昭十七年 滅

赤狄潞氏 甲氏留吁鐸咎如 肥 陸渾

今潞安府潞城縣東  
北四十里有古潞城  
左傳計赤狄之餘焉  
杜註白狄別種鉅鹿  
在今河南府嵩縣  
唐咎如潰  
下曲陽縣有肥里城

春秋 晉 國 疆域 晉 陝西 宋 友 齋

為赤狄潞氏國案潞杜註赤狄餘黨  
氏封域極廣國都在今潞安府屯留縣東  
潞安而其邊邑則在兩十里有純留城即  
今直隸廣平府之田留吁地晉滅之為純  
梁縣直接山東之界留邑鐸辰亦在潞安  
延袤二省傳云荀林府境甲氏在今直隸  
文敗赤狄於曲梁遂廣平府之雞澤縣案  
滅潞蓋師反出其東士會舊封隨此後即  
而轉攻之以絕其奔逸也

杜註赤狄別種

在今直隸真定府藁城西南七里

昭二十二年

鄭之虎牢不

衛之朝歌不

衛之河內不

衛之邯鄲不

滅鼓  
今直隸真定府晉州  
治為鼓國州東南為  
昔陽鼓子之都也鼓  
亦曰狄別種

晉

晉

晉

晉

襄十年傳諸侯成鄭  
虎牢

襄二十二年傳齊侯  
伐晉取朝歌

定十三年傳齊郕意  
茲曰鏡師伐河內

定十四年傳趙鞅殺  
邯鄲午杜註邯鄲黃

杜註虎牢此時屬晉秦朝撤為今河南南杜註汲郡故為衛之平縣故衛邑後屬晉秦虎牢在今河南開輝府淇縣衛始封都邶邑遷楚即後屬晉今在隸廣平府邯鄲封府沁水縣南二里此後入于晉孔疏衛今為河南衛輝府治縣西南三十里有邯鄲鄭地後入晉為狄所滅渡河逐楚汲縣

晉 邱河內版慮更屬于

衛之百泉不哀十年伐齊哀十五年齊又沈妣蓐黃

知何年屬于取犁及轅伐晉取冠氏四國春秋前

晉

案犁在今山東濟南杜註晉邑案今山東府臨邑縣西十里轅東昌府冠縣北有冠

已屬晉

定十四年傳晉人敗范氏之師于百泉杜註故衛地後屬晉在今對南府禹城縣氏故城

左傳昭元年子產曰昔金天氏有裔子曰

眡生允格臺駘臺駘能業其官宣汾洮障大澤以處太原帝用嘉之封諸汾川沈妣蓐黃實守其祀今晉主汾而滅之矣杜註四國臺駘之後秦四國之地無所考

眡生允格臺駘臺駘能業其官宣汾洮障大澤以處太原帝用嘉之封諸汾川沈妣蓐黃實守其祀今晉主汾而滅之矣杜註四國臺駘之後秦四國之地無所考

然據傳所云則俱在  
太原近汾水之地與  
晉之初封鎔壤其滅  
于晉當在春秋以前  
不待武獻也觀女淑  
齊謂武獻之時兼國  
多矣而不及四國則  
知其滅當在前

案晉所滅十八國又衛滅之邢秦滅之滑皆歸于晉景公時翦  
滅衆狄盡收其前日蹂躪中國之地又東得衛之殷墟鄭之虎  
牢自西及東延袤二千餘里有山西全省又有直隸大名府之  
元城縣爲沙鹿山晉所取之五鹿地廣平府之邯鄲成安清河  
永年四縣順德府治與邢臺任唐山三縣俱與衛接境真定府  
之晉州趙州冀州及藁城欒城柏鄉臨城四縣山東東昌府之  
恩縣冠縣曹州府之范縣與齊魯二國接境又河南懷慶府之

濟源修武孟溫四縣衛輝府之汲縣淇縣輝縣濬縣新鄉縣南  
自解州平陸縣渡河有河南府之陝州閩鄉靈寶桃林之塞在  
焉永寧澠池偃師三縣後又得嵩縣陸渾地與周接壤其西自  
蒲州永濟縣渡河有陝西同州府之朝邑韓城澄城白水四縣  
及華州華陰縣又延安府爲晉河西上郡西安府之臨潼縣爲  
所滅驪戎地商州爲晉上雒及菟和倉野之地俱與秦接壤後  
驪戎地入秦爲侯麗地跨五省共二十二府五州

晉疆域論

論曰晉當春秋之初翼侯中衰曲沃內亂不與東諸侯之會盟  
疑于荒遠之地然其地實近王畿是時周新東遷列侯未甚兼  
併沈姒萁黃處在太原虞虢焦滑霍楊韓魏列于四境晉于其

中特彈丸黑子之地勢微甚而桓莊之時猶能命諸侯以討有  
罪曲沃之叛也王命虢公伐曲沃至翼侯滅矣而虢仲芮伯荀  
侯賈伯同日興師庶幾方伯連帥之義安在江漢常武不可再  
睹哉而釐王貪其寶賂列爲諸侯肆其狂獍吞滅小國自武獻  
之世兼國多矣以不赴告故經不書不復可考見蓋天下之無  
王自晉始及勞旣强大乃復勤王以求諸侯周室之不亡復于  
晉重有賴焉自滅虢據崤函之固啟南陽扼孟門太行之險南  
據虎牢北據邯鄲擅河內之殷墟連肥鼓之勁地西入秦域東  
軼齊境天下扼塞鞏固之區無不爲晉有然後以守則固以攻  
則勝擁衛天子鞭笞列國周室藉以綿延者二百年是猶倒持  
太阿之柄以與人而復假之以自衛也然使晉不兼併諸國周



亦無能聯絡形勢以自強何則周行封建其勢散而晉併列國  
爲郡邑其勢聚封建之不如郡縣自春秋之世不已較然哉

楚

熊繹始封丹 熊渠封中子 權不知何年 鄒不知何年 鄧不知何年

陽 紅爲鄂王後 滅于楚 滅于楚 滅于楚

今湖廣宜昌府歸州  
東南七里有丹陽故  
城北枕大江

爲楚別都

今武昌府治之武昌  
縣卽楚之鄒都也

今安陸府之當陽縣  
東南有古權城爲春  
秋時權圍莊十八年  
傳楚武王克權闢緡  
尹之卽此案莊十八  
年爲楚文王之十四  
年左傳特追敘其事  
耳其滅權之年則不  
可考矣

鄒一名鄒處文王子  
今襄陽府治襄陽縣  
卽季戴所封或作鄒  
東北十二里有鄒城  
皆讀爲然莊十八年  
爲鄒氏地桓九年楚  
闡緡以權叛圍而殺  
子使道朔將巴客以  
之遷權于鄒處使闡  
聘于鄒鄒南鄒鄒人  
放尹之則鄒之滅更  
在權前矣其年月則  
不可考今安陸府荆  
門州東南有鄒口城  
爲春秋時鄒處地

穀不知何年 鄒不知何年 羅不知何年 廬戎不知何年 鄒不知何年

滅于楚

今襄陽府穀城縣西  
十里有穀城山為穀  
國地桓七年穀伯綏  
來朝後不見經入于  
楚

滅于楚

今襄陽府宜城縣西  
南有古鄆圍後入楚  
為鄆縣昭十三年楚  
靈王沿夏將欲入鄆  
杜註順漢水入鄆也  
是時鄆已為楚別都  
與鄆相近故通謂之  
鄆鄆

滅于楚

今襄陽府宜城縣西  
二十里有古羅川城  
為羅國地桓十年楚  
伐羅即此後入楚

年滅于楚

今襄陽府南漳縣東  
五十里有中盧鎮為  
盧戎國一作盧盧與  
盧通皆近鄆水桓十  
年楚屈瑕伐羅及鄆  
亂次以濟及羅羅與  
盧戎兩軍之大敗之  
即此後入楚為魯文  
十六年盧戡黎即其  
大夫也

入楚

今襄陽府宜城縣西  
南九十里有鄆城鄆  
木在秦楚界上為今  
河南南陽府浙川縣  
信二十五年秦晉伐  
鄆楚人戍以爭之不  
克遂徙之南鄆鄆縣  
為附庸鄆地也縣  
入楚為魯定六年後  
避吳北大遷鄆于此  
仍名鄆謂之鄆鄆傳  
所謂蓬歸于鄆是也

鄆不知何年

貳軫二國不綏不知何年

州不知何年

蓼不知何年

滅于楚

知何年滅于楚

滅于楚

滅于楚

滅于楚

今德安府治安陸縣  
為鄆國地桓十一年  
楚屈瑕將盟貳軫鄆  
人軍于蒲騭將與隨

今德安府應山縣境  
為貳國應城縣為軫

今鄆陽府鄆縣西北  
為絳國地桓十二年  
楚伐絳大敗之為城  
下之盟而遷後入于

今荊州府監利縣東  
三十里有州陵城為  
州國地哀十七年傳

杜詩蓼國襄陽轉陽  
縣東南湖陽城在今  
河南南陽府唐縣南  
八十里

絞州蓼伐楚師鄧州  
韻三字通用若敖娶  
千邳卽此後楚滅之  
以封鬬辛爲鄧公

楚

卽此

案此蓼與文五年楚  
所滅六與蓼之蓼不  
在桓十一年爲楚武  
王所滅一國此蓼讀  
四十年楚武凡五十  
一年以莊四年卒則  
州蓼之滅卽在此十  
數年之內矣

莊十四年滅  
莊十六年滅  
申不知何年  
呂不知何年  
僖五年滅  
茲

息

鄧

滅于楚

滅于楚

今河南汝寧府光州  
今襄陽府治襄陽縣  
息縣西南七里有息  
東北二十里有鄧城  
城爲息國地  
頃爲鄧國地

今河南南陽府治南  
陽縣有故申城爲申  
城西三十里爲呂國  
地

今湖廣黃州府蘄水  
縣東三十里有軟縣  
故城爲郢地又河南  
光州光山縣西南有  
郢城蓋光黃本接壤  
也

僖十二年滅  
僖二十六年  
文四年滅  
江文五年滅  
六文十一年滅

黃

滅夔

滅蓼

麋

今河南汝寧府光州  
今湖廣宜昌府歸州  
西十二里有黃城爲  
治東二十里有夔子

在今河南汝寧府  
陽縣東

六國杜註廬江六縣  
今湖廣鄖陽府治鄖  
在今河南廬州府六  
縣爲麋國地按傳楚

黃國地

城爲楚所分之黃國  
楚擊之後楚擊有疾  
弗得立而遷居國都  
之側者也

文十二年滅  
文十六年滅  
道不知何年  
柏不知何年  
房不知何年

宗滅巢

庸

并于楚

并于楚

并于楚

杜註吳楚開小國  
江六縣有居巢城今  
江南廬州府巢縣東  
北五里有古巢城爲  
川陝西湖廣三省之  
界國地宗國在今廬  
州府廬江舒城二縣  
境

今湖廣鄖陽府竹山  
縣東四十里有上庸  
縣北二十里有道城  
故城爲庸國地當四  
爲道國地

今河南汝寧府確山  
縣西有柏亭爲柏國  
地

今河南汝寧府遂平  
縣爲房國地昭十三  
年楚靈王遷許胡沈  
道房申于荆定六年  
昭王更以封吳夫概  
王謂之吳房

沈不知何年  
蔣不知何年  
宣八年滅舒  
成十七年滅  
襄二十五年

并于楚

并于楚

蓼

舒庸

滅舒鳩

安州北  
蓼國杜註安豐蓼縣  
今河南汝寧府固始  
縣東北卽其地

子伐麇敗麇師于防  
渚潘崇復伐麇王于  
錫穴爲麇之國都則  
麇遂滅矣防渚爲今  
鄖陽府房縣

案春秋有二沈宣十二年傳沈尹將中軍此蓋沈之別邑楚取之以爲重鎮時爲沈尹者莊王之子公子貞也亦名寢莊王後更以封孫叔敖爲食邑所謂寢邱是也今爲河南光州固始縣沈本國世屬于楚則定四年爲蔡所滅後

入楚爲平輿邑杜註汝南平輿縣有沈亭今河南汝寧府治汝陽縣東南六十里有平輿故城

昭四年滅賴  
今河南光州息縣東北爲賴國地

秦舒蓼舒庸舒鳩及見上  
京四國皆偃姓皋陶之後所謂羣舒也杜註皆不能明其地但云廬江南有舒城及龍舒城約畧四國所居在此兩城之間今江南廬州舒城縣爲古舒城廬江縣爲古龍舒城是當在此三縣之境

定五年滅唐  
今湖廣德安府隨州東南八十五里有唐城鎮爲唐國地楚武王服隨免楚昭于薤縣爲頓國地高水舊

頓

胡

見上

氏

定十四年滅定十五年滅哀四年滅蠻

今河南陳州府商水今江南潁州府治新今河南汝州西南有

今河南汝州西南有

今河南汝州西南有

故楚滅唐而隨復列名南頓縣于諸侯

哀十七年滅

陳

今河南陳州府爲陳國府治淮寧縣卽陳宛卽也

秦楚在春秋吞并諸國凡四十有二其西北至武關在今陝西商州東少習山下文十年傅子西爲商公卽商州之雒南縣也與秦分界其東南至昭關在今江南和州含山縣北二十里昭十七年吳楚戰于長岸卽和州南七十里之東梁山與太平府

國傳云晉欒戎鬪于以昇楚師于三戶案三戶今河南南陽府淅川縣西南有三戶城蓋在南陽與汝州之間矣

夾江相對是也與吳分界其北至河南之汝寧府南陽府汝州  
與周分界其南不越洞庭湖全有今湖北十府八州六十縣之  
地惟隨州爲隨國僅存又全有河南之汝寧南陽二府光州一  
州又闌入汝州之郊縣魯山縣河南府之嵩縣開封府之尉氏  
縣許州府之郟城縣及禹州與鄭接境四川夔州府之奉節縣  
與巴接境江西之南昌南康九江饒州與吳越錯壤又全有江  
南之廬州鳳陽潁州三府及壽州和州之地江寧府之六合太  
平府之蕪湖徐州府之碭山則與吳日交兵處也後廬壽之地  
多入于吳

### 楚疆域論

論曰余讀春秋至莊六年楚文王滅申未嘗不廢書而歎也曰

天下之勢盡在楚矣申爲南陽天下之管光武所發迹處是時齊桓未興楚橫行南服由丹陽遷郢取荊州以立根基武王旋取羅都爲郢郢之地定襄陽以爲門戶至滅申遂北向以抗衡中夏然其始要非一朝一夕之故也平王東遷卽切切焉成申與甫許豈獨內德申侯爲之遣戍亦防維固圉之計有不獲已速桓王莊王六七十年之久楚之侵擾日甚卒爲所滅自後滅呂滅息滅鄧南陽汝寧之地悉爲楚有如河決魚爛不可底止遂平步以窺周疆矣故楚出師則申息爲之先驅守禦則申呂爲之藩蔽城濮之敗而子玉羞見申息之老楚莊初立而申息之北門不啟子重欲取申呂以爲賞田而巫臣謂晉鄭必至于漢申之係于楚豈細故哉故論當日楚之形勢東拒齊則召陵



之徑爲咽喉之塞西拒晉則少習武關通往來之道南面扞吳則鍾離居蘄州來屹爲重鎮迨州來失而入郢之禍始兆楚之植基固而形勢便使周歷猶繇延四百年不遂併于楚者桓文之力也

案王風揚之水先儒謂譏平王忘艾仇內德申侯爲之遣戍者非也蓋申侯可仇聿之地自不可棄戍申自不容已但不當使畿內之民戍耳平王若能發憤興師命方伯連帥南向討楚侵擾之罪申自不煩戍卽云戍亦當使方伯連帥當其役何至使畿內之民反爲侯國遠戍是足顧居上首顧居下詩所以致怨于平王之微弱也言激揚之水至不能流一束薪喻以天子之威令不能役使羣侯也被其之子指方伯應

戍申者而言不與我戍申言當時方伯不能爲王家効命而使我獨當此苦所以懷思而欲歸也如此纔與興意浹洽有味未傳以之子指其室家則與束薪意一毫無涉上下文不聯貫矣至謂內德申侯尤非詩明言三國戍申戍甫戍許甫卽呂也後申呂俱爲楚滅而許役屬于楚此時楚之侵擾三國已被其禍戍自時勢不得不然平王豈有德于呂許二國者哉且詩稱彼其之子俱係賤惡之辭外之之辭如彼其之子三百赤芾彼其之子不稱其服猶言乃如之人夫已氏云耳若詩人謂其室家豈宜作此等語余因春秋而備論揚水之義如此

宋

微子封于商 杞不知何年 戴不知何年 彭城不知何 蕭本為宋所

即 屬于宋 屬于宋 年屬于宋 分後仍入于

今為河南歸德府之 杞本封雍即為今開 杜註陳留外黃縣東 舊為大彭氏國春秋 封府之杞縣然終春 南有戴城在今歸德 時為宋邑今為江南 宋 杜註沛國蕭縣今江 南徐州府蕭縣北十 里有蕭城莊十二年 蕭叔大心殺南宮牛 立桓公有功封為附 庸宣十二年楚滅之 後仍入為宋邑

商即縣 秋之世雍即常屬于 府考城縣東南五里 宋蓋杞遷消于其地 至隱十年宋人蔡八 為宋有也但不知何 衛人伐戴自後不見 年宋以何道取之詳 經地入于宋但不知 見都邑表 何年

莊十年遷宿 襄十年晉滅 哀八年滅曹

杜註東平無鹽縣在 今山東泰安府東平 州東二十里 杜註彭城博陽縣在 今江南徐州府沛縣 案宋滅曹而經文書 北山東兗州府峰縣 入先儒以為入與滅 南五十里吳晉往來 不同然哀十四年經

偃陽以與宋

杜註彭城博陽縣在 今江南徐州府沛縣

案宋滅曹而經文書

北山東兗州府峰縣

入先儒以為入與滅

之要道也。  
汪氏克寬曰偏陽關  
及祖地皆在沛縣乃  
吳入北方之要衝

書宋向魁入于曹以  
叛則曹爲宋邑明矣  
且春秋書入者多矣  
昔人入向而向爲葛  
邑秦人入滑而滑爲  
晉邑秦人入郟而郟  
爲楚邑至哀十三年  
於越入吳豈得謂其  
非城耶而宣十二年  
書楚子滅庸而庸反  
未滅仍屬于宋然則  
謂入與滅之判然不  
同者殆未可爲定例  
也蓋初隱二年無駭  
入極公報以爲滅者  
其說近是矣

案宋在春秋兼有六國之地宿偏陽曹三國其見于經者也杞  
戴及彭城則經傳俱不詳其入宋之年而地實兼併于宋其封  
域全有河南歸德府一州八縣之地開封府之杞縣封邱縣有

宋之長邱蘭陽縣有宋之戶牖衛輝府之滑縣有宋之城鉏陳州府治之睢寧縣有宋檉地西華縣有宋鬼閭地又江南徐州府之銅山縣沛縣蕭縣潁州府之太和縣山東兗州府之金鄉縣睢縣泰安府之東平州後滅曹又得曹州府之曹縣荷澤縣定陶縣共跨三省九府二州二十三縣之地

宋疆域論

論曰余嘗適汴梁取道鳳陽由歸德以西歷春秋吳楚戰爭地及杞宋衛之郊慨然思曰周室基布列侯各有分地豈無意哉蓋自三監作孽武庚反叛周公誅武庚而封微子于宋豈非懲創當日武庚國于紂都有孟門太行之險其民易煽其地易震而商邱爲四望平坦之地又近東都日後雖子孫自作不靖無

能據險爲患哉故殷之遺民屬之懿親康叔而杞宋接壤俱在  
開歸匪特制馭亦善全先代之後宜爾也入春秋時宋乃有彭  
城彭城俗勁悍又當南北之衝故終春秋之世宋最喜事齊興  
則首附齊晉興則首附晉悼公之再伯也用吳以犄楚先用宋  
以通吳實于彭城取道楚之拔彭城以封魚石也非以助亂實  
欲塞夷庚使吳晉隔不得通也晉之滅偃陽以畀宋也非以德  
宋欲宋爲地主通吳晉往來之道也蓋彭城爲宋有而相爲楚  
地偃陽爲楚與國皆在今沛縣境如喉嚨中之有物宋有偃陽  
而吳晉相援如左右手矣故當日楚最仇宋常合鄭以鬪宋亦  
最力迨悼公已服鄭不復恃吳吳閭閻之世力足以制楚不復  
專賴晉而宋于是晏然無事是彭城之係于南北之故者非小

而宋常爲天下輕重者以其有彭城也自後吳日強橫齊魯俱被其毒害而宋始終不受兵亦以前日爲東道主之故而黃池之役吳歸道自商魯王欲伐宋太宰嚭曰可勝也而弗能居蓋杞宋舊封其非險阨之地久矣

衛

康叔始封朝兼有邶鄘之僖二年遷楚僖三十一年僖二十五年

歌

地

卽

又遷帝卽

滅邢

今爲河南衛輝府之邶城在府治汲縣鄘城在新鄉縣西南三

今爲衛輝府之滑縣

今爲直隸大名府之開州

今爲直隸順德府之邢臺縣後入晉

案閔二年衛爲狄所滅遺民渡河立戴公以盧子漕至僖二年齊桓公封衛于楚卽此爲北楚卽

淇縣東渡河一百十五里至滑縣潞縣東北五里爲魯又東北五十五里爲楚卽又東北一百三十里至開州自始封朝歌至

此凡三百零五里黃河更在開州北十五里衛之再遷皆在河之南矣

南陽為衛邊 莘為衛邊地 羊角為衛邊 南楚邱為衛

地在衛之西 在衛之東 邊邑在衛之

境與晉接界 與齊接界 北境與齊晉 南境與曹宋

宋魯錯壤 錯壤

案文元年晉使告于今山東東昌府莘縣諸侯而伐衛及南陽北莘亭為衛之華地即晉所改之南陽杜植十六年衛宜公使注今河內也憲郡曰汲子于齊使盜待諸河內版圖地則謂之莘將殺之成二年案南陽殺武為齊鄭衛之戰晉師及衛地從內師為武縣古名南近齊之地陽今屬河南懷慶府蓋在衛西近晉之地

案衛之始封兼三監之地封城本大後再遷至帝邱而其舊封





多入于晉稍迫狹矣春秋之初霸令未興諸侯多務兼併以自益而衛以介在齊晉宋魯四面皆大國無所朘削又屢經狄難崎嶇遷徙其地有今之直隸大名府開州及府治元城縣魏縣長垣縣廣平府之邯鄲縣爲邯鄲邑旋入晉河南衛輝府之淇縣爲始封之朝歌汲縣爲河內輝縣爲百泉後俱入晉僅有滑縣之楚邱及漕地耳又兼涉懷慶府修武縣界有彰德府之安陽縣內黃縣林縣歸德府之睢州爲襄牛地又錯入開封府之封邱縣山東曹州府之濮州爲城濮地曹縣爲南楚邱地又錯入兗州府之陽穀縣泰安府之東阿縣其地多奇零與諸國交錯共跨三省十府三州十二縣之地其入晉之地不在內

衛疆域論

論曰衛地西鄰晉東接齊北走燕南拒鄭宋楚之與晉爭伯也  
爭鄭宋而衛不受兵以鄭宋南面爲之蔽也晉文城濮之戰楚  
始得曹而新昏于衛蓋欲爲遠交近攻之計結衛以折晉之左  
臂使晉不得東向爭鄭也故晉文當日汲汲焉首事曹衛豈惟  
報怨之私亦事勢有不得不爾晉欲救宋則不得不先伐衛晉  
欲服鄭則不得不先服衛衛服而鄭魯諸國從風而靡矣蓋衛  
踞大河南北當齊晉鄭楚之孔道晉不欲東則已晉欲東則衛  
首當其衝曹衛以北方諸侯而爲楚之役天下幾不復知有中  
夏此晉之用兵所以不獲已也自是以後衛幾同晉之鄙邑其  
曹濮之地與齊犬牙錯互宣成之世衛屢受齊師每有齊師則  
乞援于晉至春秋之季年晉鄭之大夫擅權孫林父以戚如晉

晉取衛懿氏六十與孫氏戚近帝邱衛都肘腋之地世爲孫氏邑自是衛非復衛有并不爲晉有而爲晉鄭大夫所營狡兔之三窟也失其地利首受強鄰之見侵繼受叛臣之桀驁衛之爲衛亦可哀矣哉

鄭

武公初定虢 隱十一年入櫟爲鄭別都 莊二十一年成十五年許

檜之地爲新許

鄭

今爲河南許州府治  
新設石梁縣時鄭莊

使許叔居許西偏猶  
未全并許地也

案桓十五年鄭伯與  
入于櫟杜註鄭別都  
今爲許州府禹州後  
入楚

案此爲東魏文王弟  
懿叔所封社註榮陽  
縣在今河南開封府  
汜水縣東十里并榮  
陽榮澤皆其地檜卽  
管叔解之故封管降

莊王與鄭以 遷于葉

案成十五年許畏鄭  
請遷于楚楚遷許于  
葉而許之舊都盡歸  
于鄭鄭人謂之舊許

案虎牢在今開封府  
汜水縣西武公初年  
滅東虢卽有其地今  
復與鄭者孔氏穎達

東侵舊許是也

東侵舊許是也

卷八

卷八

疆域鄭

陝西求友齋

屬檜左傳有檜城有  
管城檜城在今許州  
府密縣東北五十里  
管城在開封府鄭州  
北二里

成十六年楚

襄十年諸侯

襄十年晉師

襄十八年楚

昭元年楚城

以汝陰之田

成鄭虎牢

城梧及制

公子格侵鄭

隳櫟鄭

求成于鄭

杜註虎牢此時屬晉

杜註鄭舊地虎牢之  
旁邑也棠梧在今榮

費滑

望今汝州舊山縣東  
南有望源故城鄭爲

杜註汝水之南近鄭  
地楚境止于汝之南  
田蓋在汝州郊縣及  
裕州葉縣間

陽縣制即北制在今  
成皋縣鄭州之北俱  
屬開封府

棠滑爲古滑國在今  
河南府偃師縣南二  
十里秦滅之而不能  
有爲晉所得然其地  
近鄭在所必爭成十  
七年鄭子駟侵晉虛  
滑至此時屬鄭後又  
屬周定六年鄭伐周  
馮滑齊廢鄭之始終  
終爲楚地矣  
與河晉爭滑如也

以爲鄭當桓王之世  
失之

定六年滅許

案此所滅之許非許本國也成十五年許遷于葉其地已悉歸于鄭爲舊許矣至定四年楚遷許于容城則在今南陽府葉縣西至此年鄭復滅之則係容城楚所遷之地也傳云因楚敗蓋以四年入郢之難而滅其與國耳

案鄭桓公武公當幽平之世以詐取虢檜之地其地當中國要害四面皆強國故雖以鄭莊之奸雄無能爲狡焉啟疆之計終春秋二百四十年僅再滅許肆其吞噬而已而虎牢入晉犖櫟郊入楚鄭之封疆亦蝕于晉楚焉其地有開封府之祥符蘭陽

中牟陽武鄆陵洧川尉氏鄭州河陰汜水滎陽滎澤凡一州十  
一縣亦兼涉杞縣與楚接界陳留與陳接界封邱與衛接界許  
州府爲所奪許國之地禹州爲樸都汝州之魯山郟縣本楚以  
餌鄭旋復爲楚奪又關入衛輝府之延津縣河南府之登封縣  
鞏縣偃師縣陳州府之扶溝縣懷慶府之武涉縣歸德府之睢  
州其地俱在今河南一省其關入直隸大名府之長垣縣者爲  
祭仲邑東明縣有武父地僅彈丸黑子而已

鄭疆域論

論曰鄭當幽王之世王室未遷遽興寄帑之謀攘取虢檜之國  
而有其地首亂天朝之疆索鄭誠周室之罪人矣入春秋後莊  
公以狙詐之資倔強東諸侯間是時楚僻處南服而晉方內亂

莊公與齊魯共執牛耳其子昭公厲公俱梟雄絕人使其兄弟  
輯睦三世相繼鄭之圖伯未可知也乃三公子爭立卒歸厲公  
與魏弭定王室庶幾桓文勤王之義然自是而楚患興矣齊晉  
迭伯與楚爭鄭者二百餘年是時鄭西有虎牢之險北有延津  
之固南據汝潁之地恃其險阻左支右吾蓋滎陽城皐自古戰  
爭地南北有事鄭先被兵地勢然也至于產之世而虎牢已先  
屬晉犂櫟邾已先屬楚鄭之地險盡失徒善其區區之辭命以  
大義折服晉楚雖以楚靈王之暴橫莫敢陵侮蓋亦人謀之臧  
匪關地勢矣然自後三家分晉而韓得成皐卒以滅鄭則鄭之  
虎牢豈非得之以興失之以亡者哉

秦

秦襄公逐戎隱九年遷平桓十五年代莊六年縣冀莊六年縣邽

文公收周餘陽

彭戲氏至于戎

戎

民有之地至

華山

岐

案史記年表秦宣公二年遷平陽在今鳳翔府郿縣西四十六里時春秋隱公之九年也

案史記秦武公元年伐彭戲氏正義云卽彭衙也在今同州府白水縣東北六十里後入于晉武公元年實春秋魯桓之十五年

案史記秦武公初縣冀戎在今鞏昌府之伏羌縣時當春秋莊公之六年

案史記秦武公初縣邽戎今秦州西六十里有上邽城爲古邽戎邑時當莊公之六年

案史記秦文公收地至岐岐以東獻之周岐爲今陝西鳳翔府岐山縣則豐鎬故京在岐之東秦未嘗有也可見平桓之世晉未滅就東西周猶通封畿號令猶令于西土說鄭遺地之在畿內者尚無恙秦鮮詩人過故宗廟宮室盡爲禾黍破瓦頽垣依然故物使秦有其地當更營建無復此景



象矣所以莊二十一年莊王與虢酒泉猶在同州府澄城縣而虢公敗大戎于渭內猶在西周之封內也自晉滅虢斷桃林之隘而秦穆亦東竟至河築壘為王城以塞其路而故京遂判若異域倍十五年獲晉侯舍諸靈臺靈臺在西安府鄠縣豐鎬之側自是周之遺地盡入于秦西歸之好音絕矣自晉獻秦穆始也乃知鄭詩譜謂秦襄公遷戎積有西都八百里之地者其說誠疎謬當以史記為正

莊七年滅小

莊七年縣杜

莊十七年都

莊二十二年

僖二年滅芮

號

紫西號君隨平王東遷王別封之河南郡縣其支封之留于雍者謂之小號在今鳳翔府寶雞縣東五十里秦武公十一年滅之時當莊公之七年

鄭

鄭之舊封為西周畿內咸林地在今同州縣南史記秦德公元年卜居雍後子孫飲馬于河時當莊公之十七年杜為古杜伯國亦在華州界時當莊公之七年餘詳都邑

雍

在今鳳翔府治鳳翔縣南史記秦德公元年卜居雍後子孫飲馬于河時當莊公之十七年

晉滅驪戎後入秦

國語云晉滅驪戎不詳何年史記稱在獻公之五年實魯莊公之二十二年也後入秦為侯嬴地在今西安府臨潼縣東二十四里

僖十九年滅  
僖三十三年  
文五年滅都

梁

今同州府韓城縣南滑地見前秦滅之而二十里為梁國地秦不能後入晉

滅滑

今河南南陽府浙川縣西有丹水故城為舊郡國地居秦楚之界秦滅之而不能有

今同州府朝邑縣西二里有故臨晉城為

芮國地竹書紀年秦穆公二年滅芮祭壘以臨晉地故曰臨晉為秦之王城其地濱河與晉以河為界成十一年秦晉為令狐之會秦伯不肯涉河次于王城使史黶盟晉侯于河東晉卻犇盟秦伯于河西蓋秦自是始東地至河矣秦穆之二年魯僖之二年也

滅之爲少梁邑與晉  
之韓原錯壤後入于  
晉

後入楚詳犬牙相錯  
表

案秦以西陲小國乘衰周之亂逐戎有岐山之地是時兵力未  
盛西周故物未敢覬覦也值平桓懦弱延及宣公武公德公以  
次蠶食盡收虢鄭遺地之在西畿者垂及百年至穆公遂滅芮  
築壘爲王城以塞西來之路而晉亦滅虢東西京隔絕由是據  
豐鎬故都判然爲敵國與中夏抗衡矣然滅滑而滑爲晉有不  
能越崤函以東一步滅都而都爲楚有不能越武關以南一步  
其地有鳳翔府延安府平涼府秦州西安府商州同州府乾州  
不越陝西一省其同州府與商州之地猶與晉楚錯壤

秦疆域論

論曰秦與晉以河爲界河以東爲晉河以西爲秦然秦當春秋時疆域褊小非特隔于函關之外爲晉所限闕而不得出也攷史記繆公立五年而晉獻滅虞虢是時新立初起岐雍基業未固而晉武獻已絕盛滅虢而桃林已舉秦之門戶在晉肘腋中矣後晉文公初伯攘白翟開西河魏得之爲西河上郡白翟之地爲今陝西延安府東去山西黃河界四百五十里至戰國惠王六年魏始納陰晉八年納河西地十年納上郡十五縣陰晉今華陰縣河西孔氏曰同丹二州丹州今延安府宜川縣上郡爲延安以北又惠公之世韓之戰曰寇深矣若之何可見晉之幅員廣遠斗入陝西內地不始于文公時此亦可爲秦晉疆域之一證也故終穆公之世未嘗一日忘東向其援立惠公也實

貪河外列城之賂蓋欲圖虢之故地以爲東出之謀旣而韓之戰秦始征晉河東未幾復屬于晉秦之不得志于晉可知也迨初立文公秦欲納王而晉辭秦師獨下文公梟雄賴秦之力而實陰忌之必不使勤王之舉得分其功晉之抑秦又可知也至其季年日暮途遠背晉與鄭盟已復襲鄭懸師深入年老智昏而穆公之始終不忘東向其情蓋汲汲矣其後絕晉日尋干戈少梁北徵彭衙刎首迭有勝負然終不能越河以東一步蓋有桃林以塞秦之門戶而河西之地復犬牙于秦之境內秦之聲息晉無不知二百年來秦人屏息而不敢出氣者以此故也至孝公發憤東地渡洛魏人納地恐後而河西始悉爲秦有吳起去西河而泣豈無故哉

吳

秦伯始居句

遷于姑蘇

襄五年會于

昭四年伐楚

昭二十三年

吳

今為蘇州府治長洲縣閶閘始遷都于此

善道

取棘櫟麻

滅州來

今江南常州府無錫縣東南三十里有秦伯城

在今泗州之盱眙縣今徐州府碭山縣

今為鳳陽府之壽州吳爭七十年而後得之入郢之禍先于此定四年舍舟淮汭自豫章與楚夾漢淮汭即州來也

昭二十四年

昭三十年滅

昭三十年滅

定六年伐楚

滅鍾離及巢徐

鍾吾

取番

鍾離為今鳳陽府之臨淮縣巢為今盛州府之巢縣與州來皆楚之汜淮重鎮昭四年楚始患吳築此三城以斷其北來之路

今泗州北八十里有古城相傳為徐偃王築即古徐國也

今徐州宿遷縣西南有司吾城為鍾吾國地

今為江西德州府治之鄱陽縣鄱陽湖之東史記閻閭十一年伐楚取番實當定公之六年也在入蜀之後二年

今泗州北八十里有古城相傳為徐偃王築即古徐國也

今徐州宿遷縣西南有司吾城為鍾吾國地

今為江西德州府治之鄱陽縣鄱陽湖之東史記閻閭十一年伐楚取番實當定公之六年也在入蜀之後二年

今為鳳陽府之壽州吳爭七十年而後得之入郢之禍先于此定四年舍舟淮汭自豫章與楚夾漢淮汭即州來也

今為鳳陽府之壽州吳爭七十年而後得之入郢之禍先于此定四年舍舟淮汭自豫章與楚夾漢淮汭即州來也

吳爭七十年而後得  
之三城滅而楚淮右  
之藩籬盡撤吳遂由  
陸道從光黃經義陽  
三關之險以瞰郢都  
置大江于不問矣

案武王定天下此時泰伯之子孫已自立于句吳武王因而封  
之時大江以南尙屬蠻夷之地分茅胙土之所不及非若中原  
齊魯星羅碁置也故其地最廣遠春秋初尙服屬于楚自後寢  
強遂爲勅敵而其所并吞之國亦厯厯可紀焉大抵北出則擾  
廬壽東出則向番陽其地略有江南全省而徐州屬宋廬鳳屬  
楚安慶屬羣舒最後廬鳳亦入于吳而入郢之禍自此始太平  
府則與楚之和州爲郢對岸江寧府則與楚之六合爲宋接境其自  
浙之嘉興以及湖州杭州則與越日相角逐之區也其自浙之

嚴州以及江南之徽州江西之饒州則與楚日相窺伺之地也  
方輿家以江西全省亦俱爲吳地然于經傳無所見第存其說  
如此云

### 吳疆域論

論曰余考春秋吳疆域而竊有感于明祖之事也當明祖與張  
陳相持而劉誠意謂陳氏勢居上游宜先定陳當日之分界與  
春秋時吳楚略相似而明祖之地較吳尤迫狹日汲汲于池州  
太平徽寧廬鳳之地逮得南昌而守之一戰遂覆陳氏嗚呼此  
春秋闔閩入郢之勢也夫長江之險吳楚所共而楚居上游故  
長听之戰司馬子魚曰我得上游何故不吉卒得其乘舟餘皇  
故吳楚交兵數百戰從水則楚常勝而從陸則吳常勝楚以水



師臨吳而吳常從東北以出楚之不意當其始叛楚也卽伐巢  
伐徐伐州來爭鬪于廬州鳳陽之間蓋欲自上而瞰下子重之  
克鳩茲也爲今太平之蕪湖此用水也而吳報之伐楚取駕則  
在廬之無爲矣楚靈之克朱方也爲今鎮江之丹徒此用水也  
而吳報之取棘櫟麻則出碭山與汝寧矣至昭二十三年州來  
入吳州來爲今之壽春以淮爲固撤楚之籬籬而據其要害而  
入郢之禍兆矣當日舍舟于淮汭自豫章與楚夾漢淮汭卽州  
來豫章今南昌舍舟爲沉船破釜之舉陸路出南昌爲出奇擣  
險之謀欲避所短而用所長懸師深入千里襲人蓋亦逆知楚  
瓦不仁而後敢出此使當日但斂兵持重勿與交鋒絕其餉道  
吳人輕銳師老欲歸正不必爲毀舟與塞城口之計正欲徐行

驅之吳人遇險則必爭舟以濟爭則必亂半渡擊之可使隻輪不返故當日楚之失計在速戰而吳亦第僥倖而一得也使第固守鍾離居巢州來三城屹然不動而多方以撓吳隳其亟肆之算吳既不得志于東北必不能由水道以窺楚而吳且坐困矣故明方事廬鳳而旋得南昌則爲折其左臂吳先有豫章而兼得州來則爲扼其喉吭申公子胥之謀略與明祖君臣前後一揆矣夫地勢何常人能用之則勝厥後越兼吳之地而卒覆于楚豈非楚常得地勢之便哉

案此論猶仍舊說以豫章卽南昌其實豫章非南昌也另有論見後

越

少康封庶子 允常都諸暨 南至于句無 北至于獫狁 東至于鄞

無餘于會稽

今紹興府諸暨縣

今浙江紹興府治山陰縣南十二里有無餘故城

西至于姑蔑 後又增封西 北至于平原 又餘汗為越

今衢州府龍游縣有姑蔑城

至于檣李

越絕書作武原即今嘉興府之海鹽縣

地

今嘉興府治嘉興縣南四十五里有辭李城句踐取闔閭處此時屬吳吳越春秋以句踐歸吳後夫差增封其地至此

今寧波府定海縣東今嘉興府石門縣東今為寧波府治鄞縣北有舟山故海中洲二十里石門鎮為靈有越句章地即句無兒地也亦名甬東

今為江西饒州府之餘干縣通典曰越之西界所謂于越越之餘也又廣信一府皆餘汗地弋陽貴溪二縣即餘干之所分然則國語所云西至于姑蔑殆未盡矣由衢州府龍游縣至江西廣信府由廣信府至

饒州之餘干縣與鄱陽縣分列鄱陽湖東西蓋越之西境與楚相接卽昭二十四年越大夫胥犴帥師從王及歸王乘舟處也

案越自少康初封厯商至周初千有餘歲武王因其舊而不改延及春秋之季又五六百年至允常始與吳相戰伐見于經傳然封域極隘國語與越絕書所載不同其北向所至曰禦兒曰平原皆在今嘉興一府之地其西南至于姑蔑越絕書作姑末則在今衢州府龍游縣然昔人稱餘汗爲越地淮南王安謂越人欲爲變必先田餘汗界中通典亦謂爲越之餘則自江西廣信至饒州皆越之西界國語所云姑蔑蓋未盡矣余嘗厯淮揚至餘杭盡吳之境又親至左蠡而知越大夫胥犴勞王于豫章之汭實在

今鄱陽湖蓋鄱陽爲楚餘干爲越分峙湖之兩岸楚越相結歸王乘舟應在于此若北出則千餘里皆吳地越方仇吳豈能以孤軍徑行其地而與楚會耶其地全有浙之紹興寧波金華衢溫台處七府之地其嘉杭湖三府則與吳分界由衢歷江西廣信府至饒之餘干縣與楚分界

### 越疆域論

論曰越自允常始見春秋再世至句踐遂成伯業天子致胙五傳而至無疆而卒爲楚所滅竊怪句踐以廣運百里之地而能覆二千里之吳其後世地兼吳越而楚滅之如反掌之易其故何也曰其故仍句踐自貽之也當其滅吳而不能正江淮以北使楚東侵廣地至泗上是爲畫江自守之計棄其地利以與人

其得延至五世幸矣昔人有言守江不如守淮守淮必宿重兵于廬鳳徐泗而後進可以戰退可以守當吳之與楚角也爭鍾離州來居巢三邑七十餘年而後取之迨旣得州來而入郢之勢已兆故孫氏之保江東也守濡須與魏爭合肥東晉之有江左也覆苻堅之兵八十萬于淝水蕭梁之都建業也敗拓跋之衆二十萬于鍾離至汴宋稍稍不振矣而劉楊諸將猶力爭于壽春藕塘閒而後劉豫不敢南渡夫非昔日吳楚之已事乎越旣有吳不能守吳故轍北扼州來西阻豫章而戀戀于三江五湖之利志意驕滿號稱伯王此猶項氏之棄關中而都彭城同一沐猴之見耳楚人旣得上游而復兼有廣陵徐泗之地長江帶水策馬可渡句踐當日豈爲子孫計長久者哉曰句踐本爲

報怨值吳之荒怠而幸勝之以范蠡之謀略而不爲一言何也  
曰吳壽夢之爭州來也是申公教之也闔閭之舍舟淮汭自豫  
章與楚夾漢也是子胥教之也皆當創業之始志意明銳故其  
言易入至諫夫差與越行成子胥且以屬饑死耳使少伯復進  
說于志得意滿之餘夫安知不從又種之誅乎宜其卷舌高蹈  
以去也曰項氏棄關中及身而亡而越延至五世何也曰項氏  
實有雄據天下之志故漢高并力而取之而楚旣得廣陵徐泗  
知越無爭雄之心視爲掌中物而不之忌而越兵力尙強故且  
相與遷延待其自發兵端而後取之也噫古來披堅執銳如項  
氏卧薪嘗膽如句踐而皆坐失天下之大計人皆知爲項氏惜  
而不知爲句踐惜也其猶有目睫之見也夫

案此論猶仍史記舊說謂越滅吳後棄江淮以北此說非也  
當從吳越春秋越絕諸書越徙都瑯琊爲是另有論見後



春秋列國疆域表後敘

或曰周室封建在德不在險信乎曰此爲後王守成者言之也武王旣勝殷有天下大封功臣宗室凡山川糾紛形勢禁格之地悉周懿親及親子弟以鎮撫不靖翼戴王室自三監監殷而外封東虢于滎陽據虎牢之險西虢于弘農陝縣阻崤函之固太公于齊召公于燕成王又封叔虞于晉四面環峙而王畿則東西長南北短短長相覆方千里無事則都洛陽宅土中以號令天下有事則居關內阻四塞以守曷嘗不據形勝以臨制天下哉衰妣煽虐禍由內作播遷東周而西虢實爲東西都出入往來之地周有西歸之志不得不問途于虢故平之末年卽欲以虢公爲卿士迨乎惠王鄭虢卒定王室當晉之圖虢也王曷不赫然震怒命方伯以討

罪于晉晉必不敢動乃談笑置之虢入晉而晉日強周日削矣洎  
惠公之入賂秦以虢畧秦若得之則可東向以抗衡于晉雖有文  
公不能以圖伯而晉之諸臣固不與也雖戰韓見獲秦于此時幾  
可分晉之半而卒征繕以輔孺子閉關謝秦秦知空名爲質之無  
用卒歸惠公呂卻諸人可謂智勇絕人者矣秦立文公以後知文  
公梟雄決不能覬覦桃林以東一步乃偕晉師滅都都近武關穆  
公之意以爲不得于東猶可經營商雒圖武關以爲南出之門戶  
而亦終不能有由是二百餘年秦屏伏西陲不敢出以秦地形四  
塞而函關武關之門戶俱爲他人有也至三晉瓜分秦得其地置  
關函關入秦而三晉之亡自此始矣嗚呼晉自獻公滅虢以後固  
守桃林之塞主伯天下者二百年迨三晉之分而後失之而周室

東遷不三世而號己爲晉有捐國之利器以與人而不悟豈非特德不恃險之說有以悞之也哉

春秋時晉中牟論

河南今日之中牟縣卽鄭之圃田春秋定哀時屬晉三卿分晉時屬魏前漢地理志謂趙獻侯自耿徙此非也志旣言河南之開封中牟陽武酸棗卷皆魏分地旣係魏地趙安得而都之自相矛盾矣至春秋定九年齊侯伐晉夷儀晉車千乘在中牟則與今日之中牟絕不相涉據本註云救夷儀也夷儀前本邢地傳云邢遷于夷儀在今順德府邢臺縣西去河南之中牟六百餘里道里遠不相及一也衛侯如晉過中牟衛本在河北適晉安用更過河南之中牟非途次所經二也孔子適趙聞趙簡子殺竇鳴犢舜華臨河

而返此時趙界明在大河以北中牟不得更在河南境三也國語  
晉侯問趙武曰中牟邯鄲之肩髀吾欲其令良誰可武曰邢伯可  
是中牟與邯鄲接近日後獻侯自耿徙中牟敬侯又自中牟徙邯  
鄲相去本不甚遠今河南中牟距邯鄲里數與所云肩髀者不合  
四也趙鞅與范中行相攻哀四年九月圍邯鄲荀寅奔鮮虞鮮虞  
納荀寅于柏人五年春克柏人遂圍中牟史記亦云趙簡子攻范  
中行伐中牟佛肸叛是中牟爲范中行氏邑與柏人俱當在直隸  
順德府界去大河之南絕遠五也蓋河南之中牟在春秋止稱圃  
田無中牟之名至漢初始置中牟縣屬河南郡而左傳史記所載  
之中牟在杜元凱時已不復知其處第云當在河北後人但當存  
疑不必強爲之說臣瓚謂此中牟當在溫水之上張守節史記正

義又以相州湯陰縣西有牟山謂中牟當在其側俱係臆說無明據且春秋傳衛師過中牟中牟人欲伐之褚師圍曰衛未可勝齊師克城而驕不如從齊遂伐齊師敗之克城謂克夷儀則中牟與夷儀當朝發夕至疑當在邢臺邯鄲之間溫水湯陰二處離此尙遠亦非也

雍正八年春余應河東田制臺聘修河南省志作爲此論力辨今日之中牟非論語左傳史記所載之中牟而舊志竟於縣內載入佛肸墓可發一笑然攷杜氏通典已先誤千慮一失往往有此後閱宛溪氏方輿紀要謂在彰德府湯陰縣牟山之側此亦承張守節史記正義之譌非確然也因思春秋時晉之中牟楚之豫章雖使杜元凱復生亦不能確知其處況更在元凱千

五百年後乎因檢點舊稿入于卷內漫識于此乾隆五年三月  
上浣識

春秋時楚豫章論

先王建國其小者不能五十里若邾滕郕薛近在一縣之地故其  
時爲邑絕小論語稱十室之邑周官司馬法九夫爲井四井爲邑  
至十室乃大矣若荆舒吳越地處荒遠井牧之所不及如後世新  
復之苗疆動輒千百里不可以方域計故今日而欲求春秋之地  
亦不可概以一州一府當之也嘗讀春秋至吳楚越之傳其稱豫  
章者凡六見昭六年楚使薳洩伐徐吳人救之令尹子蕩帥師伐  
吳師于豫章而次于乾谿吳人敗其師于房鍾昭十三年楚師還  
自徐吳人敗諸豫章獲其五帥案徐在泗洲北八十里乾谿在今

穎州府之亳州房鍾在今穎州府蒙城縣昭三十一年吳人圍弦  
左司馬戍右司馬稽帥師救弦及豫章弦爲今河南光州之光山  
縣又定二年桐叛楚吳使舒鳩誘楚人曰以師臨我我伐桐爲我  
使之無忌秋楚伐吳師于豫章吳人見舟于豫章而潛師于巢冬  
十月吳敗楚師于豫章遂圍巢克之桐爲今安慶府之桐城縣巢  
爲今廬州府之巢縣舒鳩在廬州府之舒城定四年柏舉之役吳  
人舍舟淮汭自豫章與楚夾漢淮汭卽今壽州案數傳皆爲吳楚  
鬪爭杜註于前則曰江北淮水南於柏舉之傳則曰漢東兩岐其  
說又云自江北徙于江南不知何所據又昭二十四年楚子爲舟  
師以畧吳疆越大夫胥犴勞王于豫章之汭歸王乘舟且帥師從  
王此爲楚越交接豫章當又在楚越之境諸儒求其說而不得或

以爲兩地或以爲三地迄無一定然愚嘗考之豫章係寬大之語自江西之九江饒州二府隔江爲江南之安慶府境北接潁亳廬壽西接光黃皆爲楚之豫章地蓋鳳陽以西壽霍光固之境皆近淮壩爲吳楚日交兵處柏舉在湖廣黃州府之麻城縣從壽州循淮而西歷河南光山縣信陽州三關之塞至麻城六百里至漢口九百里杜氏所云豫章在江北淮水南者正當卽指淮汭而言蓋是地之總名舍舟于此遵陸亦卽在此耳至豫章之汭則爲今日之鄱陽湖無疑何則饒之餘干縣爲越之西境鄱陽縣爲楚之東境俱濱鄱陽湖楚以舟師畧吳疆而越歸王乘舟俱在水際舍此更無別處交接總之吳楚越接境之豫章非一地而實非有二名如秦之會稽九江兩郡統隸俱一二千里豈可以一州一縣當之



哉漢分秦九江郡置豫章郡蓋亦以春秋之豫章得名然實非常  
日之豫章地至以南昌爲豫章尤非左傳舍舟淮汭自豫章與楚  
夾漢壽州至漢口中歷光州信陽州黃州至武昌漢陽夾峙之漢  
口循淮至漢路徑甚明南昌在其南千餘里無迂道至南昌之事  
且南昌始終爲楚地于吳無與也史記闔閭十一年吳伐楚取番  
番今鄱陽縣爲饒州府治而闔閭十一年係定公六年在柏舉之  
後則當柏舉戰時吳尙未有饒州之地又安得越南康九江二府  
而遽至南昌也哉愚嘗推廣其說凡列國之邊境地俱極廣遠不  
止一豫章也楚北境之方城自裕州東北至葉縣唐縣連接數百  
里齊之無棣今直隸天津府之慶雲山東武定府之海豐皆是晉  
合溫原攢茅之地俱謂之南陽幾盡懷慶一府之境其所謂東陽

者則爲太行山東地非有城邑至楚漢之間始置東陽郡而秦之河西在今同華二州總謂大河以西則楚西境之豫章由淮水之南盡大江南北連屬彭蠡與吳越俱接境乃其常理非日後始遷于江南也至漢東無豫章地高氏辨之甚明近志乃謂春秋之豫章去江陵甚近引宋武帝討劉毅遣王鎮惡先襲至豫章口去江陵城二十里爲證尤謬後世地名沿譌襲舛甚多卽同時亦有相襲者如戰國時韓之南陽豈可以晉之南陽當之也哉

余作此論實當乾隆之四年時假館九江大孤山堂旅中乏書未能博稽載籍第反覆就左氏傳臆斷頗矜獨得然亦未敢自信踰年歸里索宛溪氏方輿紀要讀之于南昌府豫章城云鄺道元謂昭六年楚令尹子蕩伐吳師于豫章卽此地非也夫江

湖沮洳春秋時舟楫便利未逮今日吳楚所爭實在淮漢之間  
酈氏之言應非篤論因歷舉余所引左氏傳六處并杜氏前後  
兩註謂自昔由江漢之間以達于淮豫章實爲要害而其地今  
不可考又稱乾谿在今江南亳州徐在泗州弦在光州則豫章  
當在近淮之地光州壽州之間與漢所置之豫章全不相蒙也  
與余論脗合先得我心不覺大快因知讀書到着實處自然所  
見畧同但未及豫章之汭爲鄱陽湖第存疑云在江漢之北則  
越地固不能踰大江而北也餘干爲越鄱陽爲楚後爲吳奪俱  
今饒州府屬則鄱陽正爲三國結轆之地且此時吳越旣已興  
兵而楚吳又方構鬪楚與越通吳人必忌越必不敢出境一步  
公然與楚交接以犯吳之深怒也若概云江漢之北越且離境

千里顯張從楚以掎吳之幟獨不畏吳人壓境問罪近在肘腋  
耶固知歸王乘舟乃二國于其接境處陰相聯絡又在水際則  
舍鄱陽左右更誰屬哉余所謂豫章之名廣遠雖不能確知爲  
何地而可約舉數處以概之但于今日之南昌決無涉耳因閱  
宛溪氏之說借爲余證而又廣其所未及如此乾隆五年八月  
上浣三日復初氏又識

晉公子重耳適諸國論

左氏敘事其藏鍼不露處要使人統前後傳而得之向嘗疑重耳  
遊歷遍天下而其返國也卒由秦則當其處狄十二年而行也何  
不徑之秦以求入而必過衛適齊及其之鄭也又何不入秦而必  
迂道之楚楚爲蠻夷之國重耳豈不知其不可倚仗而當日之所

以爲此者蓋其事勢實有所萬不得已也夫重耳有賢名且多得士夷吾以弟越次而代立其君臣之欲甘心于重耳非一日矣此時爲重耳者藏形匿影側足無所幸有齊狄秦楚諸大國其力足與晉相抗得庇護公子餘如鄭衛諸小邦則晉令朝下而夕且繫公子而獻于晉耳故其如齊也時當秦歸惠公之明年秦晉新協和未有釁而齊桓方下士故且之齊以求庇逮桓公卒而孝公內亂兄弟相爭諸侯之兵數至不得不更適他國其歷曹歷宋歷鄭特爲過客耳宋方新敗而曹與鄭皆小國由鄭入秦路必由周而道晉穀函之境晉如寺人披者以百騎邀之有餘耳趙衰狐偃輩慮之密矣是時楚成方強恢廓大度力足以容公子啟口卽云公子若返晉國則何以報不穀蓋送重耳入國之事楚子已身任之

會子玉有言而秦穆公來迎公子乃送公子之秦秦楚別有間道而楚又設兵防衛以備不測則重耳之返國雖藉秦力而楚子實成之故日後猶曰楚君之惠未之敢忘又曰微楚之惠不及此此豈爲當日一饗與不殺之恩而已哉左氏平平敘次八國若公子無故遍游天下而不知當日之事勢實如此左氏特未嘗明言其故耳逮觀寺人披爲惠公求殺重耳與懷公以狐毛狐偃故而殺狐突而當日之故始瞭然矣謹備列之以告世之善讀左氏者

春秋時楚地不到湖南論

考春秋之世楚之經營中國先北向而後東圖其始封在丹陽在今歸州東南七里爲最南境武文遷都于郢爲荊州府治江陵縣昭王徙郢于都爲襄陽府宜城縣頃襄王二十八年秦白起拔郢

楚東北保郢陳今河南陳州府治明年又遷壽春爲江南壽州歷世自南而北其所吞滅諸國未嘗越洞庭湖以南一步蓋其時湖南與閩廣均爲荒遠之地如今交趾日南相似計惟羣蠻百濮居之無係于中國之利害故楚亦有所不爭也竊嘗徧考詩書及春秋三傳與職方爾雅之文無有及洞庭兩字者至屈原放廢江濱彷徨山澤作爲九歌抒其憤懣乃始曰嫋嫋兮秋風洞庭波兮木葉下蓋楚俗好歌舞淫祠原爲作迎享送神之曲爲湘君湘夫人以實之道之使歸于正以寄其忠君愛國之意至始皇侈心浮江至湘山問湘君何神博士所對蓋卽祖屈原之辭而漢儒爲戴記遂有舜崩于蒼梧之說其因襲傳會蓋有自來其實唐虞三代之世湘山洞庭何嘗入職方况舜旣禪禹而必親歷荒遠之地舜崩

而二妃以天子之后離其宮闕遠歷萬里藁葬絕域之野此皆必無之事儒者可以理斷者也用是而知尙書蔡傳謂九江卽洞庭之誤而臨川師謂九江卽彭蠡之源而以彭蠡爲九江漢爲北江并岷江爲中江合爲三江者其說爲斷斷不可易也蔡傳之說祖朱子而實出于晁氏說之蓋以經文過九江至于東陵曾氏以爲湖廣岳州府之巴陵縣在洞庭湖之東不知程氏大昌已駁之謂其絕無根據而過九江至于敷淺原則爲今德安之敷揚山而朱子以廬阜當之廬阜在今江西九江府之德化縣與彭蠡尤近況水經注又云刊水出廬江郡之東林鄉西南注江水尙書過九江至于東陵者是也東陵在廬江則九江爲尋陽之九江益可信不誣且劉歆班固應劭皆謂江至尋陽分爲九派晉郭璞江賦亦曰



源二分于岷嶽流九派于尋陽隋取之以名郡至張僧監尋陽地  
記復列其名爲九唐孔穎達引之以釋禹貢賈公逵以釋周禮職  
方宋樂史寰宇記李宗諤九江圖並宗其說今舍漢晉隋唐宋數  
千年博雅之說不用而獨取一晁氏說之其立論可謂偏枯矣愚  
更嘗尋繹經文曰九江孔殷殷者歸往趨向之辭周禮諸侯見于  
天子曰殷見與朝宗二字畧同是川之取象若洞庭爲大澤不宜  
立此名義禹貢于大野彭蠡滌波雷夏俱云旣滌旣澤可證也明  
是九江爲彭蠡之上源彭蠡爲九江之下委殷者歸往之得其正  
滌者容蓄之得所歸荆揚二州正是首尾相應則荆州之川爲江  
漢爲九江其澤爲雲夢揚州之川爲三江其澤爲彭蠡震澤旣  
直截了當矣乎况江漢九江合之恰爲揚州之三江尤自一綫不

爽也或謂江至揚州更何從分而爲三曰五湖只一太湖也三江只一大江也九河分爲九至入海之處合爲一矣而仍曰九河既道三江其源岐爲三至入海之處合爲一而仍曰三江旣入有何不可乎往嘗取歸氏有光之論以三江爲揚子江錢塘江吳淞江而取證于國語三江環之自以爲得之矣今乃知其猶未也越在錢塘江之外三江只可云環吳不可云環越孰若大江橫截南區吳越俱在襟帶之內如兩鼠鬪于穴中所云民無所移者益信况吳淞與錢塘禹貢並無其水尤不可取以爲據若如尙書蔡傳之說則洞庭至春秋之世當益灼然顯著矣乃嘗反覆左傳而知楚之疆域斷斷無此何也楚靈王淫侈周行無所不至嘗召諸侯以田于江南之夢矣不聞其田洞庭也證一也入郢之役吳兵東北

自光黃來楚宜南走洞庭之野反更西北涉睢以奔隨國證二也  
昭王論命祀而曰江漢睢漳楚之望不聞其及洞庭湘水之神證  
三也意其時非特不隸版圖且洞庭亦尙微渺如屈原所云洞庭  
波兮木葉下亦是微波淺瀨可供愛玩無今日浩渺之觀蓋當時  
雲夢方八九百里跨江南北故文人學士多侈言之至雲夢涸而  
水悉歸入洞庭湖乃始包山絡澤而洞庭山浸其內因以山得名  
古今來盈虛之數如濟水絕而爲大清河鉅野涸而爲南旺湖之  
類川澤之改易多矣豈特疆域之變遷無常所哉

史記越句踐世家與吳越春秋越絕書竹書紀年所書越事各不  
同論

史記越滅吳而不能正江淮以北故楚得東侵廣地至泗上與魯

泗東之地方百里張守節正義曰泗上謂廣陵徐泗等州則今揚  
淮以及徐州泗州之地皆棄與楚余嘗著論謂越棄地利不守得  
延至五世爲楚所滅幸矣後閱吳越春秋有云越旣平吳北渡淮  
會齊晉諸侯徙都于琅琊竹書紀年云晉出公七年越徙都琅琊  
水經注亦云琅琊越句踐之故都也越絕書句踐平吳霸關東徙  
琅琊起觀臺周七里以望東海諸書所載較若畫一案春秋時琅  
琊爲今山東沂州府其所屬日照縣向係海曲爲沿海要地疑所  
謂觀臺望東海卽于此又吳越春秋句踐聽范蠡謀築會稽小城  
城成而怪山自生本琅琊東武海中山也一夕自來後因徙都琅  
琊余考越徙都琅琊事不見于左傳國語亦無之吳越春秋與越  
絕所書皆怪誕不足信然史記云越滅吳棄江淮以北徵之左傳

他事多不合據傳文哀公二十二年越滅吳二十七年越使后庸  
來正邾魯之界公與之盟于平陽後哀公嘗欲以越伐魯而去季  
氏公又嘗如越曾子居武城有越寇見于孟子武城在今沂州府  
費縣西南九十里季氏之私邑亦在費與琅琊之說相合夫越既  
滅吳與齊晉諸侯會于徐州

徐州本薛地今爲兗州府  
滕縣非江南之徐州也

天子致胙方欲正邾

魯山東諸侯之侵界豈其棄江淮不事且既棄之以子楚矣如后  
庸使命之往來及出兵侵魯豈反假道于楚耶又范蠡既雪會稽  
之恥變姓名寓于陶陶爲今曹州府曹縣蓋先時吳屢伐齊魯沂  
曹之邊地吳蓋畧而有之哀八年吳嘗伐魯入武城武城人或  
田于吳竟拘郈人之漚管者曰何故使吾水滋及吳師至拘者遂  
道之以伐武城觀此則沂州之地久已爲吳之錯壤越滅吳因有

其地則其遷都琅琊蓋盡吳之境與北方諸侯爭衡豈有反棄江淮之地以資勍敵之楚耶且卽如史記所云越自句踐以後五世至無疆中閒嘗欲伐齊齊舊與吳接境與越之故土遠隔江淮若句踐棄江淮以北則其後世必不能復拓有吳境與齊遠不相及無緣有伐齊之事則史記之自相矛盾更較然矣蘇子由謂史遷淺陋而不學疎畧而輕信而于地里尤踈舛余旣据其說作越封疆論復附識他書所見于此以俟後之博學者攷焉

春秋列國疆域表卷之四終

陝西求友齋校字

春秋列國爵姓及存滅表敘

余既輯春秋疆域自成周以迄齊楚秦晉凡十一國而當日之形勢如鱗次櫛比犬牙相錯凡行軍用師出入往來之迂直遠近及築城戍守之輕重疎密莫不瞭然具見繼爲原其封爵之所由及其姓氏與小國之入于某國爲某邑而春秋之列侯始而星羅棋布繼而彊兼弱削究其源流指掌可數作而歎曰封建之裂爲郡縣蓋不自秦始也自莊公之世而楚文王已縣申息封畛于汝隸後而晉有四十縣哀二年趙鞅爲鋅之師誓曰克敵者上大夫受縣下大夫受郡終春秋之世而國之滅爲縣邑者強半天下而諸國卒以強盛則當日之勢較之周初已稍稍異矣雖聖王復起不得不變其制也且入春秋以來周室得以縣延數百年者賴齊與

晉耳而齊晉之兼國爲不少也假令齊晉謹守侯度猶然臨淄太原百里之封而周天子能統虞虢譚遂諸國以鞭笞荆楚披攘戎狄乎不能也其不能者何也其勢散且有土之諸侯未必皆賢即使因其不賢而易置之而其政令不能盡出于王朝其民之視聽不能盡屬于天子故常散而不能聚弱而不能強其易而縣邑也則不然度才而使之程能而任之朝不道則夕斥之矣夕不道則朝罷之矣晉文難守原之大夫而得趙衰鄭子皮欲使尹何爲邑而子產曰少未知可否其操縱由一己其呼吸若一氣其簡練教訓如親父兄之于子弟也故能抗方張之敵而成翼戴之勢嗚呼世變之所趨如天地之化陰陽積而成寒暑豈一朝一夕之故哉雖聖人復起無如之何也西漢之興侯國與郡縣參半未幾而反



者四起其存者皆淫侈不軌逮國除爲郡而黎民乂安垂數百年  
漢之國除爲郡而地入于天子春秋之國滅爲邑而地歸于強侯  
漢以淫侈不軌而除春秋以弱小不能自立而滅其事不同而世  
變之所趨則一也天下之勢合則治而分則亂自三代以來莫之  
有易矣輯春秋列國爵姓及存滅表第五



春秋列國爵姓及存滅表卷之五

錫山 顧棟高復初 輯

婁縣 姚培謙平山 參

國

爵

姓

始封

都

存滅

魯

侯

姬

周公子伯禽

國于曲阜今山東兗州府曲阜縣

獲麟後二百三十二年項公二十四年滅于楚

蔡

侯

姬

文王子叔度

國于蔡今河南汝寧府上蔡縣平侯遷新蔡今汝寧府新蔡縣昭侯遷州來今江南鳳陽府壽州北三十里下蔡城是

宣公二十八年入春秋後十二年為楚所滅昭十二年平公復與昭十三年後二十年獲麟後三十四年蔡侯齊四年滅于芟

曹

伯

姬

文王子叔振鐸

國于陶邱今山東曹州府定陶縣

桓公三十五年入春秋曹伯陽十五年滅于宋嫁。孟子時有曹交楚註云曹君之弟疑曹地既入于宋宋以封其大夫如齊封田文為薛公之類

衛

侯

姬

文王子康叔封

國于朝歌今河南衛輝府  
淇縣東北有朝歌城戴公  
廣曹今衛輝府滑縣文公  
遷楚邱今滑縣東六十里

桓公十三年入春秋出公  
十二年獲麟後二百七十  
二年衛君角二十一年為  
秦二世所滅

滕

侯

姬

文王子叔繡

今山東兗州府滕縣西南  
十四里有古滕城

入春秋七年始見經終春  
秋世猶存。世族譜春秋  
後六世齊滅之今按戰國  
策宋康王滅滕疑宋亦尋  
滅地入于齊故譜云然

晉

侯

姬

武王子叔虞

國于大夏今山西太原府  
太原縣北有古唐城燹父  
改國號曰晉穆侯徙絳孝  
侯改絳曰翼亦曰故絳今

鄂侯二年入春秋定公三  
十一年獲麟後一百五年  
靜公二年為魏韓趙所滅

鄭

伯

姬

厲王子友

舊都成林今陝西同州府  
華州武公遷于溱洧今河

莊公三十二年入春秋魯  
公二十年獲麟後一百六

子繡

吳	北燕	齊	秦	楚
子 <small>拔國語本</small>	伯 <small>史記作侯</small>	侯	伯	子
姬	姬	姜	嬴	芊
太子太伯	召公奭	太公尙父	伯益後非子	顓頊後熊釋
南許州府新鄭縣	國于梅里今江南常州府無錫縣東南三十里有太伯城諸樊南徙吳闔廬築大城都之今蘇州府治是國于荀今直隸順天府治大興縣是	國于營邱今山東青州府臨淄縣	國于秦今陝西秦州清水縣莊公徙故西犬耳秦州西南百二十里西縣故城是寧公遷平陽在今陝西鳳翔府郿縣西四十六里德公遷雍今鳳翔府治是國于丹陽在今湖廣宜昌府歸州東南七里武王遷	府歸州東南七里武王遷
羊康公二十一年滅于韓	入春秋一百二十二年始見傳燼又十七年壽夢二年始見經城夫差十五年獲麟後入年滅于越穆侯七年入春秋獻公十二年獲麟後二百五十九年燕王喜三十三年滅于秦	僖公九年入春秋簡公四年獲麟後九十五年田氏篡齊遷康公于海上又七年康公二十六年亡文公四十四年入春秋悼公十一年獲麟後二百六十年始皇初并天下	武王十九年入春秋惠王八年獲麟後二百五十八	八年獲麟後二百五十八

春秋左傳

卷之五

存

存

史記

宋

公

子

殷後微子啟

郟今荊州府城北十里紀南城是昭王遷郟旋遷郟國于商丘今河南歸德府治商丘縣

年楚王負芻五年滅于秦

杞

侯

妃

禹後東樓公

後書伯或書子。按正義本公爵

國于雍丘今河南開封府杞縣成公遷緣陵在今山東青州府昌樂縣東南五十里文公遷濰子在今青州府安丘縣東北三十里其雍丘之地不知何年入于宋

武公二十九年入春秋開公六年獲麟後三十六年簡公元年滅于楚

陳

侯

媯

舜後胡公

國于宛丘今河南陳州府治淮寧縣

桓公二十三年入春秋哀公三十五年為楚所滅後五年惠公復與鄭三閔公二十一年獲麟後三年滅于楚史記先一年

薛

侯

任

黃帝後奚仲

今山東兗州府滕縣西南十里有薛城

入春秋十一年始見經終春秋世猶存後不知為誰

邾	莒	小邾	許
子 <small>本附 庸進</small>	子	子 <small>本附 庸進</small>	男
曹	已	曹	姜
顓頊苗裔挾	茲輿期	邾公子友	伯夷後文叔
今山東兗州府鄒縣文公遷繹今鄒縣東南二十六里有古邾城	舊都介根今山東萊州府膠州西南五星有討斤城春秋初徙于莒今山東沂州府莒州	國于邾今山東兗州府滕縣東六里有邾城	今河南許州府治東三十里故許昌城是靈公遷于葉今河南南陽府葉縣悼公遷夷實城父今江南潁州府亳州東南七十里有城父城旋遷葉又遷于蘇實白羽今南陽府內鄉縣許男斯遷容城或曰在葉
所滅或曰齊滅之儀父始入春秋禮祭春秋世猶存後改國號曰鄒。杜譜春秋後八世楚滅之	入春秋二年始見經莒子狂賦卒之年獲焉後五十年滅于楚	入春秋三十四年始見經。杜終春秋世猶存。杜譜春秋後六世楚滅之	入春秋十一年始見經是年莊公奔衛後十五年穆公復立于許。杜十許男斯十九年爲鄭所滅。旋後十年復見經。或云楚復封之許男。結元年義虜戰國時滅于楚

春秋左傳卷之

卷之

許姓存滅

陝西求友齋

宿	祭	申	東號	共	紀	夷	西號
男	伯	侯		伯	侯		公
風	姬	姜	姬		姜	妘	姬
太皞後	周公子	伯夷後	文王弟號仲				文王弟號叔
縣西	今山東泰安府東平州東二十里無鹽城是	今河南開封府鄭州東北十五里有祭亭	國于謝今河南南陽府北二十里申城是	今河南開封府汜水縣是	今河南衛輝府輝縣是	今山東青州府壽光縣東南有紀城	今山東萊州府即墨縣西六十里有壯武故城即其地
隱元年見莊十年宋人遷宿後入齊為邑	隱元年見	隱元年見莊六年傳楚文王伐申後遂入楚為申邑春秋前為鄭所滅為制邑	隱元年見後地入于衛	隱元年見莊四年滅于齊	隱元年見	舊都在今陝西鳳翔府寶雞縣東五十里後隨平王東遷更封于上陽今河南陝州東庫有上陽城其支	隱元年見僖五年滅于晉共小號于莊七年為秦所滅



息	戴	凡	南燕	郟	邢	極	向
侯		伯	伯	伯	侯	附庸	
姬	子	姬	姑	姬	姬	姬	姜
文王子		周公子	黃帝後	文王子叔武	周公子		
今河南光州息縣	今河南歸德府考城縣東南五里考城故城是	今河南歸德府考城縣東南二十里凡城	今河南衛輝府東南三十里廢胙城縣是	今山東兗州府汶上縣北二十里有郟城	後遷夷儀今山東東昌府西南二十里有夷儀城	今直隸順德府治邢臺縣有極亭	今江南鳳陽府懷遠縣東北四十五里有古向城
隱十一年見莊十四年傳為楚所滅為息邑	宋隱十一年見不知何年滅于	隱七年見	隱五年見	隱五年見文十二年郟伯來奔傳云郟人立君則郟尚存也戰國時有城陽君括地志云古郟國	于衛	隱四年見僖二十五年滅	隱二年見

庶留于故都者為小號

隱二年見

隱二年見

隱四年見僖二十五年滅

于衛

今山東兗州府汶上縣北二十里有郟城

隱五年見文十二年郟伯來奔傳云郟人立君則郟尚存也戰國時有城陽君括地志云古郟國

隱七年見

隱十一年見

宋隱十一年見不知何年滅于

為楚所滅為息邑

郟

子

姬

文王子

今山東曹州府城武縣東南二十里有郟城

桓二年見

芮

伯

姬

文王子

在今陝西同州府城南

桓三年見僖二十年滅于秦竹書作二年今從史記

魏

伯

姬

文王子

今山西解州芮城縣東北七里有古魏城

桓三年見閔元年爲晉所滅以賜焉萬爲邑

州

公

姜

文王子

國于涪于在今山東青州府安邱縣東北三十里

桓五年州公如曹傳云度其國危遂不復後地入于杞爲杞都

隨

侯

姬

文王子

今湖廣德安府蘆州

桓六年見終春秋世猶存

穀

伯

嬴

文王子

今湖廣襄陽府穀城縣西北七里故穀城是

桓七年見後地入于楚

鄧

侯

曼

文王子

今河南南陽府鄧州

桓七年見莊十六年滅于楚

黃

子

嬴

文王子

今河南光州西十二里有黃城

桓八年見僖十二年滅于楚

巴

子

姬

文王子

今四川重慶府治巴縣

桓九年見至戰國時滅于秦

鄧

子

姬

文王子

今湖廣襄陽府城東北十二里有鄧城

桓九年見不知何年滅于楚

梁

伯

嬴

今陝西同州府韓城縣南二十二里有少梁城

桓九年見僖十九年滅于秦以其地爲少梁邑文十二年晉人取少梁地遂入晉

荀

或云卽鄭國

侯

姬

在今山西絳州界

桓九年見後爲晉所滅以賜大夫原氏黯是爲荀叔

賈

伯

姬

今陝西同州府蒲城縣西南十八里有賈城

桓九年見不知何年滅于晉後以賜狐射姑爲邑

虞

公

姬

仲雍後虞仲

屬于夏墟今山西解州平陸縣東北四十五里有虞城

桓十年見僖五年滅于晉

貳

在今湖廣德安府應山縣境

桓十一年見不知何年滅于楚下同

軫

在今德安府應城縣西

鄭

卽邲國

子

今德安府潯安縣卽古鄭城

在今湖廣鄖陽府西北

絞

今湖廣荊州府監利縣東

州

三十里有州陵城

羅 頤飾古曰  
力救反

羅

賴

牟

葛

於餘邱

譚

蕭

遂

熊

子

附庸

伯

子

附庸

媯

蕭叔大心

今河南南陽府唐縣南九  
十里湖陽故城是

今湖廣襄陽府宜城縣西  
二十里有羅川城又荊州

府枝江縣岳州府平江縣  
皆其所遷處

今河南光州商城縣南有  
賴亭

今山東泰安府萊蕪縣東  
二十里有牟城

今河南歸德府寧陵縣北  
十五里有葛城

未詳其地或曰在沂州境

今山東濰南府治東南七  
十里有譚城

今江南徐州府蕭縣西北  
十里有蕭城

今山東兗州府寧陽縣北  
有遂鄉

桓十二年見不知何年滅  
于楚

桓十三年見昭四年滅于  
楚公穀俱作滅厲蓋古厲  
賴二字同音故有此誤

桓十五年見

桓十五年見

莊二年見

莊十年見為齊所滅

莊十二年見宣十二年滅  
于楚後仍入宋為邑

莊十三年見為齊所滅

消

原

權

郭

徐

樊

伯

伯

子

侯

姬

姬

子

嬴

文王子

伯益後

仲山甫

國于費今河南河南府偃師縣南二十里蘇氏故城是

今河南懷慶府濟源縣西北十五里有原鄉

今湖廣安陸府當陽縣東南有權城

今山東東昌府東北有郭城

今江西泗州北入十里有古徐城

國于陽今河南懷慶府濟源縣西南五十里有陽城

莊十三年見僖三十三年滅于秦旋入晉後又屬周

莊十八年見僖二十五年王以其地賜晉晉遷原伯賁于冀此後原伯見于傳者其多或曰遷邑于河席至僖十一年傳蘇忿生之田亦有原邑當是兩地正義合爲一談

莊十八年見不知何年滅于楚

莊二十四年經書葬公胡傳郭亡也

莊二十六年見昭三十年滅于嬴徐子奔楚楚滅夷以處之後仍爲楚所滅

莊二十九年見僖二十五年年王以其地賜晉晉語倉

舒	冀	江	陽	霍	耿	鄣
子			侯	侯		附庸姜
偃		胤	姬	姬	姬	姜
				文王子叔處		
今江南廬州府舒城縣	今山西絳州河津縣東有翼亭	今河南汝寧府正陽縣東南有故江城	今山東沂州府沂水縣南有陽都城或曰陽國本在今益都縣東南齊追遷之于此	今山西霍州西十六里有古霍城	今山西絳州河津縣南十二里有耿城	今山東泰安府東平州東六十里有鄣城集
僖三年徐人取舒後復見至文十二年楚子孔執舒子平疑自後遂滅于楚	僖二年見後地人于晉爲邵氏食邑	僖二年見文四年滅于楚	閔二年齊人遷陽	閔元年見爲晉所滅後以賜先且居爲邑	趙夙爲邑	莊三十年齊人降鄣
						萬日陽有樊仲之官守知尙未絕封蓋遷于河南昭二十二年傳有樊頃子

弦

子

隗

道

今湖廣黃州府蘄水縣西北四十里有軌縣古城爲弦國地又河南光州西南有弦城蓋因光山縣西有僑置弦縣故城而誤或曰弦子奔黃時所居也

信五年見昭十一年楚靈王遷之于荆十三年平王卽位而復之知此時尙存杜註謂楚已滅之爲邑未詳何據

柏

今河南汝寧府西平縣有柏亭

僖五年見

溫

子

已

司寇蘇公

今河南懷慶府溫縣西南三十里有古溫城

春秋初蘇氏已絕封隱十一年王與鄭人蘇忿生之田十二溫居一焉不知何時地復歸王蘇氏續封而仍居溫僖十年爲狄所滅

二十五年王以其地賜晉至文十年女栗之盟復見蘇子杜註蓋王復之或云

郟

子

嬖

禹後

厲

姜

厲山氏後

英氏

偃

皋陶後

項

姬

今河南陳州府項城縣

僖十七年見後滅于楚

密

姬

今河南許州府密縣

僖十七年見

任

風

太皞後

今山東兗州府濟寧縣是

僖二十一年見至孟子時猶有任國

須句

子

風

太皞後

今山東泰安府東平州是

僖二十一年見為邾所滅二十二年公伐邾復其封

顓臾

附庸

風

太皞後

今山東沂州府費縣西北八十里有顓臾城

僖二十一年見取之卒為魯地

頓

子

姬

太皞後

今河南陳州府商水縣即故南頓城或曰頓國本在

僖二十三年見定十四年滅于楚

自是遷于河南

僖十四年見襄六年滅于

莒昭四年地入于魯

僖十五年見

僖十七年見後滅于楚

僖十七年見

僖二十一年見至孟子時

猶有任國

僖二十一年見為邾所滅

二十二年公伐邾復其封

後復滅于邾文七年魯再

取之卒為魯地

僖二十一年見

僖二十三年見定十四年

滅于楚



管

毛

聃

雍

畢

鄧

伯

侯

姬

姬

姬

姬

姬

姬

文王子叔鮮

文王子叔鄭

文王子季載

文王子

文王子

文王子

今縣北三十里頓子追于陳而奔楚自頓南徙故曰南頓

今河南開封府鄭州卽故管城

未詳或曰在今河南府宜陽縣境

國于那處今湖廣安陸府荊門州東南有那口城

今河南懷慶府修武縣西有雞城

今陝西西安府咸陽縣北五里有畢原

今陝西西安府鄂縣東五里有鄧城

春秋前已絕封其地屬檜檜滅屬鄭宣十二年傳晉師救鄭楚子次于管以待之是也戰國時屬韓。以王十三國俱僭二十四年見

昭二十六年毛伯奔楚

不知何年滅于楚莊十八年傳遷權于那處則聃之滅又在權前矣

春秋前不知爲誰所滅畢萬其後也

鄂本商崇侯虎地文王滅崇作豐邑武王封其弟爲

茅	蔣	韓	應	邗	郇
		侯	侯		侯
姬	姬	姬	姬	姬	姬
周公子	周公子	武王子	武王子	武王子	文王子
今山東兗州府金鄉縣西北有茅鄉	今河南光州固始縣西北七十里期思城是	今陝西同州府韓城縣南十八里有古韓城	今河南汝州魯山縣東三十里有鹿城	今河南懷慶府城西北三十里有邗臺村	今山西蒲州府臨晉縣東北十五里有古郇城
後爲邾邑哀七年魯穿成子以茅假是也	不知何年滅于楚爲期思邑	春秋前爲晉所滅後以封大夫韓萬爲邑	不詳何年絕封地入周後入秦史記赧王四十五年客謂周長以應爲秦太后養地是也	春秋邗已并于鄭矣然註疏無明文當別是一邑邗國不知爲誰所滅高氏誤	不知何年滅于晉

鄧侯竹書成王十九年  
鄧侯自是絕封後其地復  
爲崇國

不知何年滅于晉

地名考略噫十一年傳王  
取郇到茲邗乙田子邗邗  
卽武王子所封據此則春  
秋邗已并于鄭矣然註  
疏無明文當別是一邑邗  
國不知爲誰所滅高氏誤  
不詳何年絕封地入周後  
入秦史記赧王四十五年  
客謂周長以應爲秦太后  
養地是也

糜	偏	蓼 了音	六	沈	檜	夔	郡	胙
子				子		子		
	姑	偃	偃	姬	妊	聿		姬
		皋陶後	皋陶後		祝融後	熊擘		周公子
國于錫穴今陝西興安州 白河縣是	今江南潁州府霍邱縣西 北有蓼縣故城	今江南六安州	今河南汝寧府東南有平 輿城其北有沈亭	今河南許州府密縣東北 五十里有古檜城	今湖廣宜昌府歸州東二 十里有夔子城	廣襄陽府宜城縣東南九 十里有郡縣故城	國于商密今河南南陽府 內鄉縣西南百二十里丹 水故城是後遷於郡今湖 南麻定六年歸遷郢于郡 則楚已滅之爲邑矣	在今河南衛輝府廢胙城 縣西南
楚 文十年見不知何年滅十	文六年見	文五年見爲楚所滅下同	文三年見定四年爲蔡所 滅後屬楚爲平輿邑	春秋前爲鄭所滅僖三十 三年見傳	僖二十六年見爲楚所滅		僖二十五年見文五年秦 人入都蓋自是南徙爲楚	

巢

宗

舒

庸

崇

郟

萊

伯  
見尚書序

子

子

子

偃

已

姜

泉陶後

少昊後

今江南廬州府巢縣東北五里有居巢城見下註

今江南廬州府舒城縣爲古舒城廬江縣東百二十里有古龍舒城舒蓼舒庸舒鳩及宗國約略在此兩城間

今湖廣鄖陽府竹山縣東四十里有上庸故城見前郡國註蓋秦之興國復居鄖而襲崇之舊號者今山東沂州府郟城縣西南百里有古郟城

今山東登州府黃縣東南二十里有萊子城

文十二年見昭二十四年滅于吳  
文十二年見

文十四年見宣八年滅于楚

文十六年見爲楚所滅

宣元年見

宣四年見終春秋世猶存  
○紀年云于越子朱勾三十五年滅郟今按史記楚世家頃襄王十八年齊有郟國相去一百三十五年紀年誤

宣七年見襄六年滅于齊

越

子

姒

夏后少康子

國于會稽今浙江紹興府  
治山陰縣

宣八年見獲麟後一百四  
十七年大為楚所破遂微  
弱濱于海上服朝于楚又  
一百十二年滅于秦

劉

子

姬

匡王子

今河南河南府偃師縣南  
三十五里有劉聚

宣十年見至真定王時絕  
封

唐

侯

祁

堯後

今湖廣德安府隨州西北  
八十五里有唐城鎮

宣十二年見定五年滅于  
楚

黎

侯

今山西潞安府黎城縣東  
北十八里有黎侯城

宣十五年見管為狄所滅  
是年晉復立之詩旻正序  
狄人迫逐黎侯詩語次于  
周桓王之世漢也鄴舒奪  
黎氏地即當日罪案豈有  
失國百年而後復之子

郭

附庸

未詳或曰在今山東沂州  
府郯城縣東北

成六年見為魯所滅

州來

在今江南鳳陽府壽州北  
三十里

成七年見昭十三年滅于  
吳

呂

侯

姜

今河南南陽府城西三十  
里有呂城

不知何年并于楚為邑成  
七年傳子重請取于申呂  
以為賞田即此

爵姓存威

陝西求友齋

檀伯

鍾離子

舒庸

偃子

郟

鑄

杜伯

舒鳩子

胡子

偃

妘

郟

郟

郟

郟

郟

郟

郟

郟

郟

堯後

堯後

堯後

堯後

堯後

堯後

堯後

堯後

堯後

堯後

堯後

蓋在今河南懷慶府濟源縣境

今鳳陽府臨淮縣東四里有鍾離城

見舒蓼註

今山東兗州府嶧縣南五十里有偃陽城

今山東兗州府濟寧州東南有郟城

今山東兗州府寧陽縣西北有鑄城

今陝西西安府洛東南十五里有杜陵故城

見舒蓼註

今江南潁州府西北二里有胡城

成十一年見

成十五年見昭二十四年見

成十七年見爲楚所滅

襄十年見晉滅之以予宋使周內史遷其族嗣爲諸霍人以奉姬姓之祀

襄十三年見爲魯所滅

襄二十三年見

春秋前已絕封襄二十四年見傳

襄二十四年見二十五年見

襄二十五年見復見傳蓋楚復之

襄二十八年見定十五年見

滅于楚

滅于楚

不羹	黃	蓐	奴	沈	鄜	邶	楊	焦
							侯	
							姬	姬
	同上	同上	同上	金天氏苗裔 臺駘之後				
今河南許州府襄城縣東南有西不羹城南陽府舞陽縣西北有東不羹城按舊說如此疑有誤				封于汾川	今河南衛輝府新鄉縣西南三十二里有鄜城	今河南衛輝府東北有邶城	今山西平陽府洪洞縣東南十八里有楊城	今河南汝州南二里有焦城
昭十一年見不知何年滅于楚				昭元年見不知何年滅于晉		襄二十九年見不知何年并于衛下同	襄二十九年見不知何年滅于晉以恩羊舌肸爲楊氏邑	襄二十九年見不知何年滅于晉

房

郟

鍾吾

桐

戎

北戎

盧戎

子

子

子

妘

偃

南蠻

今河南汝寧府遂平縣是

國于啟陽今山東沂州府  
治北十五里有開陽城

今江南徐州府宿遷縣西  
北有司吾鄉

今江南安慶府桐城縣

今山東曹州府曹縣東南  
四十里楚丘城是  
在今直隸永平府境

今湖廣襄陽府南漳縣東  
北五十里有中盧鎮

昭十三年見前二年楚靈  
王遷之于荆至是平王復  
之不知何年并于楚漢志  
吳房縣孟康註楚封吳夫  
概于此故曰吳房

昭十八年郟人入郟十九  
年宋公伐邾盡歸郟俘知  
郟復存不知何年地入于  
魯哀三年城啟陽卽此

昭二十七年見三十年吳  
子執鍾吾子疑遂亡  
定二年見

隱二年見後地入于衛所  
謂戎州也。以下四裔  
隱九年見莊三十年齊人  
伐山戎卽此

桓十三年見後滅于楚爲  
盧邑文十六年傳自盧以  
往振廩同食是也



大戎	小戎	驪戎	山戎	狄	犬戎	東山泉 落氏	揚拒泉泉 伊維之戎
		男					
姬	允	姬					
唐叔後	四岳後		卽北戎	有白狄赤 狄二種	西戎之別 在中國者	赤狄別種	
在今陝西延安府境	今陝西肅州西八百六里 敦煌廢縣是後遷伊川	今陝西西安府臨潼縣東 二十四里有驪戎城			在今陝西鳳翔府境其本 國則今陝西西寧府西北 樹敦城是也	今山西絳州垣曲縣西北 六十里有皋落鎮又山西 平定州樂平縣東七十里 有皋落城未詳孰是	在今河南府境
莊二十八年見下同		莊二十二年爲晉所滅二 十八年見傳後入秦爲侯 麗地	莊三十二年見	閏二年見	閏二年見	閏二年見後滅于晉	僖十一年揚拒泉泉伊維 之戎同伐王城按文八年

春秋左傳卷

卷五

晉姓存滅

陝西求友齋

淮夷

陸渾之戎子

又名陸戎

唐咎如

介

姜戎

白狄

鄂瞞

允

隗

姜

漆

即小戎之徙于中國者

赤狄別種

東夷國

四岳後陸渾之別部

防風氏後

在今江南徐州府邳州境

陸渾即瓜州地名後遷伊川今河南府嵩縣北三十里有古陸渾城

今山東萊州府膠州南有介亭

傳云白狄及君同州當與秦相近在今陝西延安府境

古防風氏國于封禺之山在今浙江湖州府武康縣

公子遂及歸戎盟于暴國語北有洛泉徐蒲知其類不一

僖十三年見

僖二十二年秦晉遷之伊川仍以陸渾為名昭十七年為晉所滅陸渾子奔楚其僭服屬于晉曰九州戎

僖二十三年見

僖二十九年見

僖三十三年見襄十四年晉執戎子胸支即此

僖三十三年見

文十一年見宣十五年滅于晉

羣蠻

百濮

赤狄

根牟

潞氏

甲氏

留吁

鐸辰

茅戎

戎蠻即蠻氏

子

子

西南夷

東夷國

赤狄別種

赤狄別種

赤狄別種

赤狄別種

戎別種

戎別種

春秋時爲長狄在今山東濟南府北境

在今湖廣辰州沅州二府之境

在今雲南曲靖府境或曰湖廣常德辰州二府境

赤狄種類至多

今山東沂州府沂水縣東南有半鄉

今山西潞安府潞城縣

在今直隸廣平府雞澤縣境

今潞安府屯留縣東南十里純留城是

在潞安府境

今山西解州平陸縣東南有茅城

今河南汝州西南有蠻城

文十六年見戰國時滅于楚

文十六年見

宣三年見

宣九年見爲魯所滅

宣十五年見爲晉所滅

宣十六年見爲晉所滅下

成元年見

成六年見哀四年滅于楚



姁	扈	觀		豕韋	戈	過	斟鄩	
	姁	姁		彭			姁	
商時國	同上	夏時國		夏商時國				
同下	在今陝西西安府鄠縣北	今山東曹州府觀城縣		今河南衛輝府滑縣東南有韋城鎮	地在宋鄭之間	過鄩	今山東萊州府掖縣北有	今山東萊州府濰縣西南五十里有斟城
		昭元年見下同		襄二十四年見按昭二十九年傳云夏后孔甲嘉劉累賜氏曰御龍以更豕韋之後杜註以劉累代彭姓之豕韋累壽遷管縣豕韋復國主商而鐵累之後世復承其國爲豕韋氏				灌亭

商姓存成

陝西求友齋

邳

奄

仍

有緡

駘

岐

蒲姑

逢

昆吾

羸

夏時國

同下

商時國

商時國

夏時國

今江南徐州府邳州

今山東兗州府曲阜縣東二里有奄城

昭四年見下同

今陝西乾州武功縣西南二十二里有駘城

后稷封于部卽此。以下俱昭九年見

今陝西鳳翔府岐山縣

太王遷于岐卽此

今山東青州府博興縣東北十五里有薄姑城

成王滅之以其地益封齊

昭十年見其地後爲齊國

在今河南許州府又直隸大名府開州東二十五里有昆吾城按正義曰蓋昆吾居此二處未知孰爲先後

昭十二年見春秋時其地屬許衛二國

密須	媯	商時國	今陝西平涼府靈臺縣西五十里有陰密城	文王伐密卽此。昭十五年見下同
闕鞏	古國			
甲父	同上		今山東兗州府金鄉縣有甲父亭	昭十六年見
麀	古國			昭二十九年見其地後爲州蓼之蓼
駸夷	虞夏時國	封于澗川		昭二十九年見其地後爲曹國
封父	古國	今河南開封府封丘縣		定四年見
有虞	夏商時國	今河南歸德府虞城縣		哀元年見。武王封其後于陳

春秋列國爵姓存滅表卷之五終

陝西求友齋校字